

II

ՄԵԾ ՀԱՅՔԻ ԱՅՈՒՆԻՔ ԱՇԽԱՐՀՆ ԸԱՏ «ԱՇԽԱՐՀԱՑՈՅՑ»-Ի  
(Պատմաաշխարհագրական դիտարկումներ)

ԲԱՔԿԵՆ ՀԱՐՈՒԹՅՈՒՆՅԱՆ

Այսօրիս ճանդիսանում է Մեծ Հայքի թագավորության միակ աշխարհը, որի տարածքը գրեթե ամբողջությամբ մանում է Հայաստանի Հանրապետության և Լեռնային Ղարաբաղի Հանրապետության կողմից վերահսկվող տարածքների մեջ: Այսօրիս աշխարհացույցյան նկարագրությունը, համեմատած Այրարատի, Մոսկովի, Տավրոպոլսի և Վասպուրականի հետ, առանձին մանրամասնությամբ աչքի չի ընկնում, սակայն այդ բաց մեծապես հաղթահարվում է մի այնպիսի արժեքավոր սկզբնաղբյուրով, ինչպիսին է Ստեփաննոս Օրբելյանի «Պատմություն նահանգին Սիսական» աշխատությունը<sup>1</sup>: «Աշխարհացույց»-ի ընդարձակ խմբագրության մեջ Այսօրիս ունի հետևյալ նկարագրությունը. «Թ. Աշխարհ Սիսանիք. ընդ մէջ կայով Երասխայ և Արծախայ, յելից Այրարատոյ. ունի Կաւառս երկոտասան. զԵրնջակ, զԾահուկ, զՎայոց ձոր, զԳեղարքունի Հոմանուն ծովովն, զՍոսթա<sup>2</sup>, զԱղահէճ, զՄղուկն, զՀաբանդ, զԲաղս, զՁորայ<sup>3</sup>, զԱրեւիս, զԿոսական մինչև ցնակորդեան քաղաք, անցնիւր Հոմանուն դետովք, և Աղաւնոյ գետ: Լինի մուրտ եւ երերի<sup>4</sup> եւ նուռն աղնիւ»<sup>5</sup>: Չնայած «Աշխարհացույց»-ի համառոտ խմբագրությունը էական տարբերություններ չի պարունակում, մենք ավելորդ չենք համարում այն ևս մեջբերել ամբողջությամբ. «Ինններորդ Սիսանիք յելից կայ Այրարատոյ ի մէջ Երասխայ եւ Արցախայ: Ունի գաւառս երկոտասան. Երնջակ, Ծահուկ, Վայոց ձոր, Գեղարքունի եւ ծովն, Սոսթ, Աղահէճ, Մղուկք, Խաբանդ, Բաղք, Ձորք, Արեւիք, Կաւառական: Լինի ի նմա մուրտ եւ գերեր, եւ նուռն եւ արմախք»<sup>6,7</sup>:

1 Ս տ ե փ ա ն ն ո ս Օ ռ Ե լ յ ա ն. Պատմություն նահանգին Սիսական (այսուհետև՝ Ստ. Օրբելյան). Թիֆլիս, 1910:

2 Անշուշտ, «Ս»-ն ավելորդ է: Պետք է լինի «Սոթս»:

3 Հավանաբար սխալություն է ունեցել նաև «Ձորայք» ձևը, որն այլ սղյուրներում չի վկայված:

4 Պետք է լինի «Կերերի»:

5 Աշխարհացույց Մովսեսի Խորենացույ յաւելուածովք նախնեաց (այսուհետև՝ ԱՄԽ). Վենետիկ, 1881, էջ 33:

6 Մերոսկ Մաշտոցի անվ. Մատենադարանի №582 ձեռագրում (179 թ), որի «Աշխարհացույց»-ի տեքստը հրատարակել է Աշ. Արրահամյանը, «արմախք» բառին փոխարինում է «ամուր ակիք» արտահայտությունը (ան՝ս նաև К. П. П а т к а н о в. Армянская география VII века по р. X, СПб., 1877, с. 19): Սակայն, մեր կարծիքով, նման սրբագրությունը միանգամայն հիմնավորված է և ընդունելի: Այն արտահայտում է բնագրի ներքին արամաբանությունը:

7 Ա. Գ. Ա թ ր ա չ ա մ յ ա ն. Անանիա Շիրակացու մատենագրությունը. Երևան, 1944, էջ 350: Տե՛ս նաև К. П. П а т к а н о в. Նշվ. աշխ.:

Հարկ է խոստովանել, որ «Աշխարհացոյց»-ի ձեռագրերի<sup>8</sup> համեմատութ-  
յունը գավառանունների ճշգրտման հարցում հական փոփոխութիւններ  
չի ծնում, սակայն որոշակի հետաքրքրութիւն է ներկայացնում: Օգտա-  
գործելով Ստ. Օրբելյանի տվյալները, ինչպես նաև Ղ. Ինճիճյանի քննութ-  
յան արդյունքները<sup>9</sup>, մենք ստանում ենք ներքոգրյալ պատկերը.

- 1) Երնջակ, Երընջակ, Երնճակ, Երընճակ, Երընջակք.....Երնջակ
- 2) Ծահուկ, Զահուկ, Ծակուկ .....Ծահուկ
- 3) Վայոց ձոր, Վայու ձոր, Վայիոց ձոր, Վայուձոր,  
Վայոյ ձոր, Վայոձոր, Մայրոձոր .....Վայոց ձոր
- 4) Գեղաքունի, Գեղարքունի, Գեղարգունի .....Գեղաքունի
- 5) Սոսթս, Սոտք, Սոտքս, Սոտք, Սոտք, Կոտայք, Սոթք ...Սոթք, Սոտք
- 6) Աղահէճ, Աղահէճք, Աղայհէճք, Աղահէջ .....Աղահէճ
- 7) Ծղուկն, Ծղուկ, Ծղակ, Ծղուկք, Ծղունք, Ծղակք .....Ծղուկ, Ծղուկք,  
Ծղուկն ?

- 8) Հարանգ, Խարանգ, Հարբանգ, Հարբանա,  
Հանբանգ, Բարբանգ<sup>10</sup>, Բարբանք .....Հարանգ
- 9) Բաղք, Բաղս, Բողք, Բառք, Բալք .....Բալք
- 10) Զորք, Զորայ .....Զորք, Զորայք?
- 11) Արեւիս, Արեւիք, Արեւինք, Արևք, Արևելիք,  
Արևիկք, Արևիգք.....Արեւիք
- 12) Կոսական, Կուսական, Կաւսական, Կաւսան  
Սիսական, Կոսական, Կոսականք, Կովսական .....Կաւսական

«Աշխարհացոյց»-ի լավագույն դիտակներինց մեկը՝ ակադեմիկոս Ս. Ե-  
րեմյանը, «...զԱրեւիս, զԿոսական մինչեւ ցՆակորգեան քաղաք, անցնիւր  
հոմանուն դետովք, եւ Աղաւնոյ գետ» հատվածը սրբագրել է «...զԱրեւիս,  
զԿովսական հոմանուն դետովք մինչեւ ցՆակորգեան քաղաք և անցսն  
իւր, եւ Աղուան գետ»<sup>11</sup>: Նման սրբագրութիւնինց հետո նա հիշյալ հատ-  
վածը թարգմանել է «...Արեւիք, Կովսական համանուն դետերով, մինչև  
Նակորգան քաղաքը իր գետանցքով, և Աղուան գետը»<sup>12</sup>, իսկ Աշ. Աբրա-  
համյանը՝ «...Արևիք, Կովսական՝ մինչև Նակորգյան քաղաքը, յուրա-  
քանչյուրը համանուն գետով և Աղվան գետը»<sup>13</sup>: Հանգամանալից քննութ-  
յան ենթարկելով սույն հատվածը, մենք հակված ենք կարծելու, որ «Հոմա-  
նուն գետովք»-ի տեղափոխութիւնը գոնե բնագրային նյութով արդա-  
րացված չէ: Եթե բնագրային շարադրանքում այն կարող է վերաբերել  
միայն Կովսականին, ապա սրբագրութիւնը դեպքում նոր բովանդակութ-  
յուն է ձեռք բերում: Թերևս ճիշտ կլինէր «Հոմանուն դետովք»-ը դարձնել  
«Հոմանուն դետով» և ամեն ինչ կրնկներ իր տեղը: Ս. Երեմյանը ճիշտ է

8 Օգտագործել ենք Մատենադարանի №582, 1267, 1459, 1482, 1486, 1518, 1717, 1770, 1883, 2019, 2191, 2291, 2370, 3691, 4284, 5613, 7993 ձեռագրերը:

9 Ղ. Ի ն ճ ի ճ յ ա ն. Ստորագրութիւն Հին Հայաստանեայց. Վեներիկ, 1822, էջ 299-300:

10 Հավանարար գրիչները շփոթել են «Խ» և «Բ» տառերը:

11 Ս. Տ. Ե Ր Ե Մ Յ Ա Ն. Հայաստանը ըստ «Աշխարհացոյց»-ի. Երևան, 1963, էջ 109:

12 Նույն տեղում, էջ 110:

13 Ա ն ա ն ի ա Շ ի Ր ա կ ա ց ի. Մատենագրութիւն, թարգմանութիւնը, առա-  
ջարանը և ծանոթագրութիւնները Ա. Գ. Աբրահամյանի և Գ. Բ. Պետրոսյանի, Երևան, 1979,  
էջ 295:

Հասկացել «անցնիւր» արտահայտութիւնը, սակայն ոչնչով արդարացված չէ այն «անցնիւր իւր» դարձնելը<sup>14</sup>: Խնդիրն այն է, որ խոսքը մեկ գետանցի մասին է, ուստի «ս»-ի ավելացումը հիմնավորված չէ: Աշ. Աբրահամյանը, հավանաբար այդովելով Ս. Երեմյանի սրբագրութիւնից և մեկնաբանութիւնից, հիշյալ հատվածը թարգմանելիս ավելացրել է «յուրաքանչյուրը» բառը, որը նույնպէս հիմնավորված չէ: Ավելին, նա չի էլ փորձել թարգմանել «անցնիւր իւր»-ը, որի հետեանքով աղավաղվել է բնագիրը: Վերջապէս ոչնչով պատճառարանված չէ «Աղանոյ գետ»-ը «Աղուան գետ» սրբագրելը<sup>15</sup>, որը հարցին անձանոթ հայագետներին կարող է միայն թյուրիմացութեան մեջ պցել:

Ինչպիսիք մեր ընկալումը ծնում է մի հետաքրքիր հարցադրում: Իսկ որտե՞ղ է գտնվել Նակորգեան քաղաքը և ո՞ր գետի վրա է եղել նրա գետանցը: Ս. Երեմյանը նշված քաղաքը տեղադրել է Խուզափերինի կամրջի հարեանութեամբ<sup>16</sup>, որն, իհարկե, տարակուսանք է ծնում: Հեղինակը, ելնելով Սա. Օրբելյանի հաղորդումից, Խուզափերինի կամրջի տեղում տեղորոշում է Քարավաղի կամուրջը<sup>17</sup>: Այսօրինակ տեղադրութիւնը, փաստորեն, կիսում է Աշ. Աբրահամյանը, որի կարծիքով Քաշունիք գավառ, իր մեջ ունենալով Նակորգեան բնակավայրը, Արեւելյան կամ Մյուս Բաղքն էր, որն ընկած էր Աղավնո գետից արեւելք<sup>18</sup>: Եվ եթե Աշ. Աբրահամյանը Քաշունիքը տեսնում է Աղանովո կամ Հաղարու գետից արեւելք, կապելով նման տեղադրութիւնը Նակորգեանի տեղորոշման հետ, ապա Ս. Երեմյանի բոլոր քարտեզներում էլ Հաղարուն համարվում է Սյունիքի հարավարեւելյան սահմանագիծ, ինչը բնավ էլ հարիր չի իր՝ Նակորգեանի տեղադրութիւնը: «Աշխարհացոյց»-ի նկարագրութիւնը հստակ հուշում է, որ Աղավնո կամ Հաղարու գետը եղել է Սյունիքի հարավարեւելյան սահմանը: Անուղղակիորեն այդ է հաստատում սյունյաց պատմիչի հաղորդումներից մեկը, ըստ որի X դ. սյունյաց Սմբատ իշխանը «...գաւաղագոյն մասն Սիւնեաց բնդ արեւմուտս կողմն և զրոյսը Վայոց ձոր ունէր ի բաժնի. իսկ Սահակ՝ բնդ արեւելս մինչև ի Հակարի. բայց փաքրիկն Բարկէն սակաւ ինչ ունէր մասն ի բաժնի»<sup>19</sup> հաղորդումը, որում գծվար չէ տեսնել, որ Հաղարու

14 Նոր բառգիրք հայկազեան լեզուի. Հ. Ա (Ա-Կ), Երևան, 1979, էջ 248:

15 Սա. Օրբելյանը, որը հիանալի քաջատեղյակ է Սյունյաց նահանգի աշխարհագրութիւնը, գետը հիշում է «գետ Աղանոյ» (էջ 80, 86) և «գետ Աղուանոյ» (էջ 310, 486-487) անվանումներով, որոնցից երկրորդը, եթե ուսումնասիրելու աղավաղում չէ կապված արտագրութիւնների մամանակ «աւ» երկհնչյունի և «ու»-ի շփոթի հետ, ապա գետանվան ժողովրդական արտասանութիւնն է: Հեռեւորար գետանունը «Աղուան» դարձնելը և այն «Աղուանք» հասկացութեան հետ կապելը, մեզմ ասած, ոչ միայն գիտականորեն հիմնավորված չէ, այլև ջուր է լցնում ագրիկանական որոշ վայ-պատմաբանների ջրաղացին: Ըստ երևույթին, Ս. Երեմյանն ավելի ուշ չսպառապանեց իր տեսակետը, որովհետև նրա՝ «Մեծ Հայքի թագավորութիւնը IV դարում (298-385 թթ.)» ուսումնական քարտեղում գետանունը արված է «Աղավնոյ գետ» դրութեամբ:

16 Ս. Տ. Երեմյան. Հայաստանը X դարի վերջին և XI դարի սկզբին. - «ՀՄՍՀ ատյաս». Երևան-Մոսկովա, 1961, քարտեզ թիվ 105: Այսպէս էլ ցույց տրված նաև հեղինակի այլ քարտեզներում:

17 Նույն տեղում:

18 Ս. Օրբելյան. Սյունիքի պատմութիւնը, թարգմանութիւնը, ներածութիւնը և ծանոթագրութիւնները Ա. Ա. Աբրահամյանի, Երևան, 1985, էջ 432, ծանոթ. 218: Թարգմանիչը սուրբ է տալիս նախորդ ուսումնասիրողների կատարած սխալին և Հաղարու գետի անվանումներից մեկը համարում է Աղուանը:

19 Ս. Օրբելյան. էջ 519: Մինչև գրեթե վերջին մամանակներս Հաղարու գետը Լիտտան վտակն ընդունելուց հետո կոչվում էր Բարդուշաա, հետեւորար դարձաւ միջ-

գետն արևելքից եզերել է Սահակ իշխանի տիրույթները: «Աշխարհացոյց»-ի և Ստ. Օրբելյանի հալոսրդած տեղեկությունները հաղիվ թե կարելի է կասկածի տակ առնել, քանի որ Հագարու գետից արևելք ընկած շրջանում հասակ արտահայտված բնաշխարհագրական սահմաններ ի դեմս լեռնաշղթայի կամ քիչ թե շատ նշանակալից գետի, չկան: Աղավնո գետը Սյունիքի հարավ-արևելյան սահման դիտարկելու դեպքում, իսկ դրա օգտին են վկայում բոլոր սկզբնաղբյուրները, Նակորդանն իր վերահիշյալ տեղագրության դեպքում հայտնվում է Սյունիքի սահմաններից դուրս, այն դեպքում, երբ հայտնի է, որ նշված քաղաքը սյունյաց իշխանների տիրույթն էր:

«Աշխարհացոյց»-ի նկարագրությունից հստակ հետևում է, որ Նակորդանը գտնվել է Աղավնո գետից արևմուտք. «...դԱրեւիս, զԿաւսական մինչև ցՆակորդեան քաղաք, անցն իւր հոմանուն գետով, եւ Աղաւնոյ գետ»<sup>20</sup>: Նկարագրությունը կատարվում է արևմուտքից արևելք ուղղությամբ, հետևաբար, ինչպես այդ հաստատվում է Ստ. Օրբելյանի՝ Տաթևի վանքին հարկատու գյուղերի ցուցակով, Նակորդանը կամ Նակորդեանը պետք է փնտրել Կովսականից Արևելք Բաղք գավառից առաջացած Մյուս Բաղք կամ Քաշունիք գավառի տարածքում, որտեղ X և հետագա դարերում հիշատակվում է գյուղի վերածված Նակորդանը: Շատ հնարավոր է, որ վերջինս պատկանում էր Աղավնո գետի ավազանի բնակավայրերի թվին<sup>21</sup>: սակայն միանգամայն հստակ է, որ այն չէր տեղագրվում անմիջապես Աղավնո գետի ափին և գտնվում էր ավելի արևմուտք, Երասխից ոչ շատ հեռու, Քարավաղ կոչված վայրի մերձակայքում, որի մասին խոսելիս Սյունյաց պատմիչը գրում է. «... եբեր մինչ յեզր Երասխայ ի տեղին որ կոչի Քարավաղ որ յերևս ճղէ զՂուրն»<sup>21</sup>: Այս վերին աստիճանի հեռաքրքիր տեղեկությունը պարզում է մի քանի իրողություններ: Նախ, որ Քարավաղը, եթե անդամ կամուրջ ունեցել է, այն դեռևս կառուցված չէր Ստ. Օրբելյանի օրերում, երկրորդ, որ այն ոչ մի դեպքում չի կարող նույնանալ ինուգավորինի կամրջի շրջանին և վերջապես, որ նրա հիմնական բնորոշիչ հատկանիշը Երասխի ջրերը երեք մասի բաժանելն էր: Երասխի հիշյալ հատվածի տեղագրական 1:200000-ոց մասշտաբի քարտեզի ուսումնասիրությունը ցույց է տալիս, որ Քարավաղ կոչվող վայրը կարող էր տեղագրվել Երասխի ձախ ափին՝ Ծավ գետակի՝ նրա մեջ թափվելու վայրից շուրջ 1 կմ դեպի հյուսիս-արևելք ընկած վայրում, որտեղ գետը բաժանվում է երեք ճյուղի, որոնք կրկին միանում են շուրջ երկու կմ հոսելուց հետո՝ առաջացնելով մի քանի ոչ մեծ կղզիներ: Եթե մեր տեղագրությունը համապատասխանում է պատմական ճշմարտությանը, սույն Նակորդանը գտնվելու էր Քարավաղից և Երասխ ու Ուջի գետերի ջրկիցից արևելք, Երասխի ձախ ափին՝ Հագարու կամ Աղավնո և Ուջի գետերի միջև ընկած ստորաբաժանում: Ստ. Օրբելյանը, մի առիթով անգրավաստնալով կրոնավոր

նագրում ձևավորված Քաշունիք գավառը և գրանով իսկ աշխարհացոյցյան Բաղք գավառը ասարձվում էր մինչև Հագարու գետի և Երասխի ջրախառնուրդը, որի մերձակայքում էլ պետք է գտնվեր Բարկունչաա ամրոցը (էջ 13, 331, 391-392, 397, 417):

<sup>20</sup> Նույն տեղում, էջ 86: «... հասանէ մինչև ի շրջանս գետոյն Աղաւնոյ, հանդէպ եկի-ղեցոյն Նակորդանս»:

<sup>21</sup> Նույն տեղում, էջ 81:

դարձած ու Գյուլա անունը վերցրած Վասակ իշխանի գործունեությունը, գրում է. «Սի պարսից թագավորի որդին՝ որսի դալով Հիշյալ վայրերում գանձող Մուղանի դաշտին հայտ մի լեռ, հանդիպում է մի երեցի, որը նրան բերում հասցնում է մինչև Երասխի ափը՝ Քարավաղ կոչվող վայրը»<sup>22</sup>: Դատելով ըստ ամենայնի այդ լեռը վերջին ժամանակներս մահմեդական բնակչության կողմից Աղոյուլս անունն ստացած 548 մ բարձրություն ունեցող լեռնակն է: Սա Օրբելյանի մեկ այլ տեղեկության համաձայն, սյունյաց իշխան Բարիկը՝ «...անցեալ ընդ Երասխ գետ՝ շինէ գեղաբաղար մի՝ կոչելով զանուն տեղւոյն Նախկորդան, որ թարգմանի նախ գնա կորդեալ առ ինքն յիւր հայրենեացն»<sup>23</sup>: Մի բան կարելի է թերևս, ենթադրել, որ սյունյաց իշխանը՝ անցնելով Երասխը, անմիջապես մտել է Սյունիք, ուստի գետանցը պետք է փնտրել Երասխի վրա, որի անունով էլ այն կոչվել է: Հաղարու գետի՝ Երասխի մեջ թափվելուց ոչ շատ հարավարևմուտք Երասխն ունի ծանծաղուտ, որտեղ էլ, թերևս, գտնվել է գետանցը, ուստի հավանականություն մեծ պաշարով Նախկորդանը կամ Նախկորդանը կարելի է տեղագրել դրա մերձակայքում: Նման տեղագրության գեղարում արդեն հետաքրքիր մեկնաբանություն են ստանում մինչհեղափոխական Մինջեփան և Փերջիփան կոչվող բնակավայրերի անունները, որոնք հնում համապատասխանելու էին Մինջնափան և Վերջնափան անվանումներին:

Ի մի բերելով վերը կատարած քննության արդյունքները, կարծում ենք, որ Սյունիքի նկարագրությունը ներկայացրել է հետևյալ պատկերը. «Ինչնևորոյ աշխարհ Սյունիք. ընդ մէջ կալով Երասխայ եւ Արձախայ, յելից Այրարատոյ. ունի գաւառս երկոտասան. զԵրնջակ, զՃահուկ, զՎայոց ձոր, զԳեղարունի՝ հոմանուն ծովովն, զՍոթս, զԱղահէճ, զՄղուկ, զՀաբանդ, զԲաղս, զՉորս (կամ զՉորայս – Հ.Բ.), զԱրեւիս, զԿաւոտական՝ մինչևե ց Նախկորդեան քաղաք եւ անցն իւր, հոմանուն գետով, եւ Աղաւնոյ գետ: Լինի ի նմա մուրա, գերերի եւ նուռն ագնիւ եւ արմախք»:

Անդրադառնալ Սյունիքին և ուղադրությունից դուրս թողնել Հիշյալ երկրամասի օրբելյանական նկարագրությունը՝ պարզապես անհնարին է, ուստի, ելնելով քննության շահերից, այն նույնպես մեջ ենք բերում: Սյունյաց պատմիչը, որ ձեռքի տակ ունեցել է «Աշխարհացոյց»-ը, նաև օգտագործել է մի շարք այլ աղբյուրներ, որի հետևանքով նկարագրության մեջ հայտնվել են նոր մանրամասներ: Այսպես, սյունյաց պատմիչը գրում է. «Իսկ (Սյունիքը – Հ.Բ.) գաւառք ունի երկոտասան. առաջինն որ ունի զբուն գահ իշխանացն և հայրապետաց՝ Մղուկ գաւառ անուանեալ ի Սղկայ գաւառապետէ: Երկրորդ՝ Վայոց ձոր որ ի հասարակական զիպուածոց օդոց և աշխարանաց կոչեցաւ Վայոց ձոր: Երրորդ՝ Գեղաբունի որ ի հայկեանն Գեղամայ կոչեցաւ Գեղաբունի: Չորրորդ՝ Սոթից գաւառ, որ սակս հանապազօրդեան բքոց և դառնաշունչ օդոցն կոչեցաւ Սոթք: Հինգերորդ՝ Աղահէջ գաւառ, որ այժմ կոչի Քաշաթաղ և Խոժոռարերդ: Վեցերորդ՝ Հաբանդ գաւառ: Եօթներորդ՝ Բաղք գաւառ, որ այժմ կոչի Սճէն, որ ի Բաղախայ անուանեցաւ: Ութերորդ՝ Կոփսական գաւառ, որ այժմ Գրհամ

<sup>22</sup> Նույն տեղում:

<sup>23</sup> Նույն տեղում, էջ 40:

կոչեն: Իններորդ՝ Արևիք գաւառ, որ այժմ կոչի դաշտօն և Մեղրի: Տասներորդ՝ Զորք գաւառ, որ ունի զանմատոյց ամուրն Բաղաբերդ, և այժմ կոչի Կապան: Մետասաներորդ՝ Երնջակ գաւառ և Գողթն: Երկոտասաներորդ՝ Ծահուկ գաւառ, որ և ձորն որ Շահապաւնս կոչի:

Ահա այսօրիկ են գաւառք երկոտասանք գլխաւորք Միւնեաց: Բայց այլ ևս ունի գաւառս յոլով զորս ոչ յիշեցաք. է որ փոխեալ են անուանք սոցա. է որ յայլ և յայլ գաւառս բաժանեալ են»<sup>24</sup>:

Որոշ մանրամասներ է ավելացնում մեր գիտելիքներին նաև Ստ. Օրբելյանի աշխատութեան մեջ պահպանված Տաթևի վանքին հարկատու գյուղերի ցուցակը: Պարզվում է, որ զարգացած միջնադարում Ծղուկ դավառից առանձնանում է մի մասը և Այլախ գյուղի անունով ստանում Այլախ գավառ անվանումը<sup>25</sup>: Բաղք գավառի ավատատիրական տրոհման հետևանքով մի հատվածը պահպանեց Բաղք անունը կոչվելով նաև Աճեն, իսկ մյուս հատվածը ստացավ Մյուս Բաղք կամ Քաչունիք անունը<sup>26</sup>:

Սյունիքի գավառների տեղադրությունը, շնորհիվ սյունյաց պատմիչի հաղորդած տեղեկությունների, մասնավորապես Տաթևի վանքին հարկատու գյուղերի ցուցակի<sup>27</sup>, դժվարություն չի ներկայացնում: Ուսումնասիրողները դրանց հիման վրա մեծ ճշգրտությամբ որոշել են Սյունիքի գավառների սահմանները<sup>28</sup>, որոնք, բոլորովին էլ դժվար չէ համոզվել, որպես կանոն, համընկնում են բնական աշխարհագրական սահմաններին: Երնջակ գավառը, որ «Աշխարհացոյց»-ի նկարագրության մեջ գավառացանկի առաջին գավառն է<sup>29</sup> և, համաձայն Տաթևի վանքին հարկատու գյուղերի ցուցակի, զբաղեցրել է Երնջակ կամ Ալինջա-չայ, Բստաջուր կամ Գիլանչայ գետակների վերին հոսանքների շրջանը: Հենց սկզբից նշենք, որ Երնջակ ամրոցից իր անունն ստացած գավառը վարչական առումով բավականին անկենսունակ միավոր էր, որովհետև երկու ձորահովիտների վերին շրջանները գործնականում իրար հետ ճանապարհներով, եթե չհաշվենք լեռնային կածաններն ու արահետները, կասկած չեն: Ուստի, բնականաբար, հարց է ծագում, թե ինչու է նմանատիպ գավառ ստեղծվել: Ուշադրություն արժանի է այն փաստը, որ Ստ. Օրբելյանը Սյունիքի 11-րդ գավառը հիշատակում է «Երնջակ գավառ և Գողթն» ձևով, որն անուղղակիորեն խոսում է դրանց միասնականության մասին, իրողություն, որում կհամոզվենք առաջիկայում: Սյունյաց պատմիչի համաձայն, գավառի կենտրոն հանգիսացող Երնջակ ամրոցը Սիսակի տոհմից Երնջիկ տիկնոջից էր ստացել իր անունը և անառիկության պատճառով կոչվել «ղանհնարին ամուրն Երնջակ»<sup>30</sup>: Ասպահովության և թշնամու համար անմատչելիութ-

24 Նույն տեղում, էջ 12-13:

25 Նույն տեղում, էջ 511:

26 Նույն տեղում, էջ 518-519:

27 Նույն տեղում, էջ 509-523:

28 Դ. Ի ն Ե ի Ե յ ա ն. նշվ. աշխ., էջ 229-300: Դ. Ա լ ի շ ա ն. Սիսական. Վենետիկ, 1893: Հ. Հ յ ու բ շ մ ա ն. Հին Հայոց տեղւոյ անունները, թարգմանեց Հ. Բ. Պիլիկի-ճեան, Վիեննա, 1907, էջ 225-227: Ս. Տ. Ե Ր Ե մ յ ա ն. Հայաստանը ըստ «Աշխարհացոյց»-ի, էջ 32, 39, 44, 47, 51, 56, 60, 61, 64, 80, 82: Թ. Խ. Հ ա կ ո բ յ ա ն. Հայաստանի պատմական աշխարհագրություն. Երևան, 1968, էջ 191-218: Ն ու յ ն ի Սյունիքի թագավորությունը (պատմա-աշխարհագրական առումով). Երևան, 1966, էջ 26-56:

29 Ստ. Օրբելյանի մոտ Տաթևի հարկատու գյուղերի ցուցակում տասնմեկերորդն է:

30 Ստ. Օրբելյան, էջ 13:

յան պատճառով այն վերածվել էր «սուեն դանձու և հարկաց աշխարհին»<sup>31</sup>: Հետագայում, երբ թշնամիները տիրացան Երնջակ ամրոցին, վերջինս շարունակեց պահպանել գանձատան և արքունի կարևոր ամրոցի իր դերը: Ավելին, ում հաջողվում էր տիրել Երնջակին, նա դործնականում կարողանում էր իր իշխանութունը տարածել ամբողջ Գողթնի վրա: Ներկայումս Երնջակը հայտնի է Ալինջա-կալասի անունով, որը սրա անվանման ազգավայրումն է: XIII դ. ամրոցին տիրացան Օրբելյանները: Երնջակում են գտնվում ուր. Գևորգի վանքը, Զավաչրի վանքը, Ասլրակունիս նշանավոր գյուղը, Շահկերտ (ներկայումս՝ Ղաղանչի) ավանը, Ամասրովանք լեռնային գյուղը և այլ բնակավայրեր: Պատմագիտության մեջ բավականին տարածում է ստացել այն տեսակետը, որ իբր ներկայիս Նասրվազ գյուղի անունը ազգավայրումն է Մեսրոպավանք գյուղանվան, իսկ Մեսրոպավանք բնակավայրն էլ իր անունը ստացել է այնտեղ քարոզած Մեսրոպ Մաշտոցից: Չի բացառվում, իհարկե, որ Մեսոպ Մաշտոցը ճգնել և քարոզել է այդ գյուղում, սակայն, ինչպես ցույց է տալիս հարկացուցակը, գյուղը կոչվել է ոչ թե Մեսրոպավանք, այլ Ամասրովանք, որն էլ հնչյունափոխվելով վերածվել է Նասրվազի: Հաջորդ, Ճահուկ, գավառը զբաղեցրել է Նախճավան գետի (ներկայումս՝ Նախչավան-չայ) և նրա Ճահուկ (ներկայումս՝ Զահրի-չայ) ու Շահապոնս (ներկայումս՝ Շահբուղ-չայ) վտակների ավազանի մեծ մասը, բացառությամբ Նախճավանի տարածակի: Գավառում նշանավոր էին Ճահուկ (այժմ՝ Զահրի), Պահեստ (այժմ՝ Պայիս), Կուքի, Շահապոնս (այժմ՝ Շահբուղ) գյուղերը, Կարմիր և կեղեցիկ<sup>32</sup>, Օծովավանքը և այլն: Ճահուկ գավառը զարգացած միջնադարում վերածվեց կրկու գավառի, որոնցից առաջինը պահպանեց իր անվանումը, իսկ մյուսը ստացավ Շահապոնք անունը: Ելնելով անվանումից, արամարանական է կարծել, որ Շահապոնից գավառի տարածքը դեռ մինչև վերջինիս սրպես առանձին ղավառ ձևավորվելը, որպես ձեռնարկ իշխանության կրկիր, հանձնվել է արքունի շահապին, որի պաշտոնի անվանումն էլ փոխանցվել է գավառին: Ուշ միջնադարում անունս հնչյունափոխվելով և ազգավազվելով, վերածվել է Շահբուղի: Վարչական առումով, համեմատած Երնջակի հետ, Ճահուկն ավելի է բավարարում գավառ ձևավորելու պայմաններին, չնայած ոչ լիակատարության հանգամանքն այստեղ էլ առկա է: Թե ինչ տարածքներ կարող էին դրա կազմի մեջ լինել սկզբնապես, սրեկ ազբյուր չի հայտնում: Եթե Երնջակի կապակցությամբ սյունյաց պատմիչն այն հիշում է Գողթնի հետ, որը, թեկուզև անորոշ, հավաստում է նրանց երբեմնի միասնության մասին, ապա Ճահուկի առնչությամբ նա լռում է: Ծիշտ է, կա մի իրողություն, որը բացահայտում է գյուղանիքը, սակայն դրան կանգադառնանք մի վրջը ուշ:

Վայց ձոր գավառը, որ Սյունիքի գավառների ցանկում երրորդն է, անտարակույս պատկանում է երկրամասի ամենանշանավոր, հուշարձաններով հեղեղված գավառների թվին: Տաթևի վանքին հարկատու գյուղերի ցուցակի ուսումնասիրությունը պարզում է, որ այն իր մեջ է ներառել Արփուս գետի ավազանը վերին և միջին հոսանքի շրջանում և չնչին տարբե-

<sup>31</sup> Նույն տեղում:

<sup>32</sup> Նույն տեղում, էջ 522:

րությամբ, համապատասխանել է Հայաստանի Հանրապետության Վալբի մարզի տարածքին: Դրա մեջ են մտել՝ բացի Վալբի մարզի տարածքից, հին վերին և ներքին Տանձիկ (ներկայումս՝ Դանդիկ Աշաղա և Յուխարի), Ճավաձոր (ներկայումս՝ Ջաղաղուր), Հողոցիմ (ներկայումս՝ Յայլի) և մի քանի այլ գյուղեր, որոնք մեր օրերում մտնում են Նախիջևանի Ինքնավար Հանրապետության մեջ: Ըստ Սա. Օրբելյանի, Սյունյաց Ստեփաննոս միաբնակիցը, քարոզելով, գալիս է բարելուց եղեղյաց ձորի Մողան ավանը և փորձում է խելքի բերել անբարոյականության փոխարինումը: Այս անգամ նա որոշում է նրան մեծասկես պատժել: Սաստիկ շուքի պատճառով գնում է Ավագ ակն կոչված քաղցրահամ աղբյուրի ակունքում գտնված լուռ: Այստեղ նա երկար աղոթելուց հետո ննջում է, իսկ հիշյալ անպատկառ կինը, իր հետ վերցնելով սիրեկանին, գալիս է նրան սպանելու: Հրահրելով սիրեկանին սպանել Ստեփաննոսին և սեանելով, որ նա այդ չի կարողանում անել, անբարոյական կինն ինքն է սպանում սուրբին՝ սուրը խրելով նրա փորը: Ստեփաննոսի սպասավորները՝ առաջատյան իմանալով այդ մասին, նրա գլխից Արկաղն գյուղի բնակիչների խնդրանքով հողին են հանձնում՝ քաջ զորավար սուրբ Բրիստավորի սրատիկ կառուցված սենյակում: Սակայն շուտով վրա է հասնում աստվածային սրատիկը: Թանձր խավարը սաստիկ երկրաշարժի և հավանաբար նաև Սարկոզով Լեռան (այժմ՝ Վայոց սար) հրաբխի պատճառով քառատուն օր պատում է գավառը: Տապալվում են լեռները, քանդվում պալատներն ու աները, տառը հազար մարդ սղջ-ողջ թաղվում է վրաստակների տակ, իսկ «...ձայն մարդեղեն բարբառոյ լսելի լինէին ի ներքուստ յանդնդոց և ի վերուստ յօդոց «վա՛յ ձոր, վա՛յ ձոր»... յաղագս որոյ կոչեցաւ անուն գաւառին Վայոց ձոր»<sup>33</sup>: Երկրաշարժը տեղի է ունեցել Հայոց թվականության 184 թվի հրտայց ամսի 15-ին կամ 735 թ. հուլիսի 21-ին<sup>34</sup>, սակայն գավառը Վայոց ձոր անունով հայտնի է դրանից շատ առաջ: Եղիշէի, Մովսես Խորենացու և Ղաղար Փարպեցու հավաստմամբ, Վայոց ձորի Հողոցիմ կամ Հողոցմանց գյուղից է եղել 450–451 թթ. Վարդանանց պատերազմի ակալով մասնակիցներից մեկը՝ կաթողիկոս կամ կաթողիկոսության տեղապահ Հովսեփ Վայոցձորեցիին<sup>35</sup>, հետևաբար գավառանունը ոչ մի կերպ չի կարող կապվել 735 թ. երկրաշարժի հետ: Գավառանունն, ամենայն հավանականությամբ, ցեղային ծագում ունի և ծագումնաբանորեն աղերս ունի Վայկունիք տեղանվան հետ, որի հիմքում ևս ընկած է «վայ» ցեղանունը: Զարգացած միջնադարում գավառը հայտնի էր նաև Եղեղյաց ձոր, իսկ ուշ միջնադարում և ավելի ուշ՝ Դարալագյաղ անվանմամբ, որոնցից երկրորդը չնայած արտահայտված այլևայլ կարծիքներին, հայկական «Եղեղեաց ձոր»-ի հնչյունափոխված ձևն է, որտեղ «Դարա»-ն թարգմանությունն է հայերեն «ձոր» բառի, իսկ «ալագյաղ»-ը հնչյունափոխության ենթարկ-

33 Նույն ակումբ, էջ 138-143:

34 Նույն ակումբ, էջ 143:

35 Եղիշէի Վասն Վարդանայ և Հայոց պատերազմին. Երևան, 1957, էջ 178: Մովսես Խորենացու Պատմութիւն Հայոց. Տփղիս, 1913, էջ 358: Ղաղարայ Փարպեցու Պատմութիւն Հայոց եւ Թուրքի սո Վահան Մամիկոնեան. Տփղիս, 1904, էջ 38:

ված «Եղեղեաց»-ն է<sup>36</sup>:

Վայոց ձորում են գտնվել ինչպես վերը հիշված Հողոցիմ, Մոզն կամ Մոզան և մի քանի այլ բնակավայրերը, այլև Եղեղիս դյուղաքաղաքը, Փոպահանք արծաթահանքի բնակավայրը, հռչակավոր Հրաշկաբերդը կամ Հրատեղարերդը, Կասուլեյա բերդը, Սուլեմա բերդը, Նորավանքը կամ Խորածոր անապատը, որը դարձավ Սյունիքի հոգևոր կենտրոն, Ցախաց քար վանքը, Թանահատքը կամ Թանահատի վանքը, Գնդեկանքը, Խոտակերից կամ Վարկոտի վանքը, Հերմոնավանքը, Արատեսի վանքը, Գլաձորի համալսարանը, Զերմուկ բնակավայրն իր աշխարհահռչակ հանքային ջրով և այլն և այլն<sup>37</sup>:

Պատկյով ըստ ամենայնի հնագույն ժամանակներում Վայոց ձորի մեջ պետք է մտնե՞ր նաև Շարուրի դաշար, որին, սակայն, կանգրադառնանք ավելի ուշ:

Սյունիքի նշանավոր դավառներից էր Գեղաքունին, որը ժողովրդական կեղծ ստուգաբանության հետևանքով ձեռք էր բերել «Գեղարքունի» արտասանությունը: Այն զբաղեցնում էր Հայաստանի Հանրապետության Գեղարքունիքի մարզի արևմտյան հատվածը, որը մինչև վերջերս հայտնի էր որպես Կամոյի և Մարտունու շրջաններ: Գեղաքունիքի մեջ պետք է մտնե՞ր նաև Սևանա լճի հյուսիսային առավել շրջանի մեծ մասը, ինչպես կարելի է եզրակացնել Կլավդիոս Պաղամեսի որոշ տեղեկություններից: Համաձայն վերջինիս «Աշխարհագրության» տվյալների, Պարյուսադրես լեռան մոտ գտնվել են Սիրակենես և Սակապենես գորավարությունները կամ աշխարհները<sup>38</sup>: Չնայած այն հանդամանքին, որ ուսումնասիրողները, որպես կանոն, փորձում են Սիրակենես սրբադրել Սիրակենես և նույնացնել Երրոտի հետ, իսկ Սակապենես սրբադրել Սակասենես և նույնացնել Եակաչենի հետ, որով հիշյալ երկուսի սահմանակցությունը բացառվում է, հակասելով սկզբնաղբյուրի տեղեկությանը, սաորև ցույց կտրվի, որ ճիշտ է միայն Եակաչեն-Սակապենես նույնացումը, իսկ Սիրակենես նույնանում է Սյունիքին, որով Պարյուսադրես լեռները համապատասխանում են Արեգունի և Սևանա լեռնաշղթաներին:

«Աշխարհացոյց»-ը Գեղաքունի դավառը հիշատակում է Գեղարքունյաց կամ Գեղամա ձովի հետ միասին<sup>39</sup>, որը որոշ մտորումների անդիք է ապրիս: Կարելի է ենթադրել, որ սկզբում Գեղաքունիք դավառն ընդգրկել է Սևանա լճի ողջ ավազանը և այդ պատճառով էլ Սևանա լիճը կամ Գեղաքունյաց ձովը հիշատակվում է սրա կազմում: Եթե այս հարցադրումը ճիշտ է, ապա մնում է ենթադրել, որ Սոթքի որպես դավառի ձևավորումը կատարվել է ավելի ուշ, ուստի Սևանա լիճը կապվում է ոչ թե Գեղաքունիքի ու Սոթքի հետ, այլ միայն Գեղաքունիքի: Սակայն հնարավոր է մեկ

36 Բ. Հ. Հ ա ր ու լ յ ու ն յ ա ն. «Վայոց ձոր» տեղանվան ստուգաբանության հարցի շուրջը. – «Լրարեր հասարակական գիտությունների», 1967, N 9, էջ 85–96:

37 Կ. Ի. Ն ճ ի ճ յ ա ն. Նշվ. աշխ., էջ 255–263:

38 Claudii Ptolemaei Geographia, E codicibus recognovit, prolegomenis, annotatione, indicibus, tabulis instruxit Carolus Müllerus, Voluminis Primi, Pars secunda, Parisiis, MDCCCCI (1901), p. 938.

39 ԱՄԽ, էջ 33. «...դ Գեղարքունի հոմանուն ձովին, ...»: К. П. П а т к а н о в. Նշվ. աշխ., էջ 19. («... Գեղարքունի և ձովն, ...»):

այլ բացատրություն ևս, որը մեր կարծիքով, ավելի մոտ է իրականությունը: Հայտնի է, որ Պտղոմեոսի երկում Արցախ աշխարհը հանդես է գալիս Սոդուկենե, այսինքն՝ Ծավղեք անունով<sup>40</sup>: Ուսումնասիրողների մոտ ոչ մի կասկած չի հարուցում այն իրողությունը, որ Սոթք գավառի և Սոթք բնակավայրի անունները ծագում են հենց Ծավղեք անվանումից<sup>41</sup>։ Հետևաբար տեղին է ենթադրել, որ Սոթք գավառի տարածքը Պտղոմեոսի ժամանակներում չէր մտնում Սյունիքի մեջ, այլ մաս էր կազմում Սոդուկենե-Ծավղեքի, որի հետևանքով Գեղաքունյաց ծովը հիմնականում համարվելով Սյունիքի տարածք, հիշատակվում է Գեղաքունյաց գավառի հետ:

Գեղաքունի տեղանունը, ինչպես վկայում են Վանի բեռագիր արձանագրությունները, գոյություն ունեւ դեռ մինչև Սեանա լճի ավազանի նվաճվելը Վանի թագավորների կողմից : Սեանա լճի արևմտյան առափնյա շրջանը արձանագրություններում կոչվում են Velikuni կամ Velikuihi երկիր, որը մի քանի անգամ ենթարկվում է Վանի թագավորներ Սարդուր I-ի և Ռուսա I-ի ավերիչ արշավանքներին: Եթե ի նկատի ունենանք, որ հայերենի օրինաչափություններով “V”-ն կարող էր վերածվել “G”-ի, ապա անկասկած է, որ Velikuni-ն կարող էր վերածվել Գեղաքունիի<sup>42</sup>: Թերևս ցեղային շրջանի ինչ-ինչ իրադարձություններ առասպելախառն սլաոմությունների ձևով արտացոլվել են Մովսես Խորենացու «Պատմութիւն Հայոց»-ում: Պատմահոր հաղորդման համաձայն, Հայկի սերնդից Գեղամը «...թողեալ զՀարմայ յԱրմաւիր հանդերձ որդւովք բնակել, և ինքն դնաց զմիւս լեբամբն արեւելեան հիւսիսոյ, յեղը ծովակի միոյ: Շինէ զեղը ծովակին, և թողու անդ բնակիչս. և յիւր անուն և սա զլեառն անուանէ Գեղ, և զչէսնս՝ Գեղարքունի, որով կոչի և ծովն»<sup>43</sup>: Այս վերին աստիճանի հետաքրքիր հաղորդումը, որ վերաբերում է Հայկյանների Հայկական լեռնաշխարհում տարածվելու սլաոմությունը, առանձին քննություն խնդիր է, սակայն մի բան հստակ կարելի է ասել, որ այն վերաբերում է մինչվանյան ժամանակներին: Հայկական սկզբնաղբյուրներում երբեմն հավասարություն է դրվում Գեղամա երկրի և Գեղաքունիքի միջև: Այսպես, Վարդան Արևելցու խոսքերով «Գեղամ Գեղարքունի է, ուր կայ ուխտն Մաքենիս, եւ Սեւան կղզին ի մէջ ծովուն»<sup>44</sup>: Դժվար է ասել, սա հին իրողության արտահայտություն է, թե աշխարհագրագետի ժամանակների կացություն, այնուամենայնիվ, տվյալ հաղորդման համաձայն Սոթքը մաս է կազմում Գեղաքունիքի, որի կազմում հիշատակվում է Մաքենիսի ուխտը: Չմտնե-

40 Claudii Ptolemaei Geographia, էջ 938:

41 Ս. Տ. Երեմյան. Հայաստանը ըստ «Աշխարհացոյց»-ի, էջ 80: Սակայն Ս. Երեմյանը սխալվում է, կարծելով, թե Սոթք (Սաւգք) կամ Սոգք գավառը կոչվել է նաև Ջաւղէթ: Վերջին անունը նա փորձում է դուրս բերել Ջաւէ գավառանունից, որն իրականում Ծավղեքի հետ ոչ մի կապ չունի և աղավաղումն է Ուտիքի Աղուէ գավառանվան:

42 Н. В. А р у т ю н я н. Корпус урартских клинообразных надписей. Ереван, 2001, №241 F, 242 D1+DII, 388, 389: Տե՛ս նաև Գ. Ա. Մե լ և Կ և Ի և Վ և Ի. Урартские клинописные надписи. М., 1960, 1960, №155 F, 156 D1+DII, 265: Կ ր. Ղ ա փ ա ն ց յ ա ն. Նոր Բայազետի սեպագիր արձանագրությունը. Երևան, 1930, էջ 1-34: Գ ր. Կ ա ք ա ն ց յ ա ն. Историко-лингвистическое значение топонимики древней Армении. Ереван, 1940, с. 28: Н. В. А р у т ю н я н. Топонимика Урарту. Ереван, 1985, с. 199-200:

43 Մ օ ւ վ օ ւ օ ւ Խ օ ր օ ւ օ ւ օ ւ Գ, Ա, գլ. ԺԲ:

44 Աշխարհացոյց Վարդանայ վարդապետի. Բարիզ. 1960, էջ 12:

լով այլ մանրամասները մեջ, հիշենք, որ Գեղաքունիք գավառում էին գտնվում Գեղաքունիո կամ Գեղարքունո բերդը, Հայրիվանքը, Շողագա կամ Շողուագա վանքը, Երեբուն դյուղը, Գառնակեր շենը, Կոթ ավանը կամ գյուղաքաղաքը, Գավառ կամ Գավառնի քաղաքագյուղը, Ալբերգը, Նորատուսը և այլն<sup>45</sup>: Չնայած սկզբնաղբյուրների այն հիշատակութուններին, թե Սևանա կղզին և վանքը գտնվել են Գեղաքունիքի մեջ, ամենայն հավանականությամբ, դրանք սկզբնապես գտնվել են Այրարատի տարածքում և միայն ավելի ուշ սյունյաց իշխաններին հաջողվել է Սևանա լճի հյուսիսարևմտյան առափնյա շրջանը միացնել իրենց տիրույթներին: Սևանա կղզին և զրանից արևմուտք գտնվող առափնյա շրջանը տեսակա՛նորեն կարող էր մտնել Այրարատի Վարաժնունիք կամ Մազաղ գավառների մեջ, սակայն, հաշվի առնելով բնական սահմանի խնդիրը, որպիսին կարող էր ծառայել Հրազդան գետը հիշյալ երկու գավառների համար, դրեթե տարակույս չկա, որ կղզին և առափնյա արևմտյան շրջանները մտել են Վարաժնունիքի մեջ, որով անցել է Կուրի ավազանից դեպի Արտաշատ մայրաքաղաք ձգվող մայրուղին:

Սևանա լճի ավազանի արևելյան մասում գտնվում էր Սոթք կամ Սոտք գավառը՝ համապատասխանելով նախկին Վարդենիսի շրջանի տարածքին: Ինչպես վերև արդեն նշել ենք, ըստ Ստ. Օրբելյանի մեկնարանության. «Չորրորդ՝ Սոթից գաւառ, որ սակս հանապազորդեան բքոց և դառնաշունչ օդոցն կոչեցաւ Սոթք»: Ծիշտ է այդ, թե ոչ, դժվար է ասել, բայց իրողութունն է, որ այստեղ քամիները հաճախ են փչում և ձմեռները ցրտաշունչ են: Սակայն մեծ հայագետ Հ. Հյուբշմանը դրան համաձայն չէ և գտնում է, որ «սոթ» միայն նշանակում է «պինդ, կուռ, կարծր, խիստ», իսկ «սոտ» կամ «սոդ» ձևով բառ չկա<sup>46</sup>: Սոթքում էին գտնվում նշանավոր Մաքենուց կամ Մաքենացվոց վանքը, Վասակաշեն բնակավայրը, Աստվածածին եկեղեցին, Վանեվանը և այլն:

Իեռես Հ. Հյուբշմանը փորձել էր գավառանունը կապել Պտղոմեոսի «Աշխարհագրության» մեջ հիշատակված Σοδοσκηνή ստրատեգիայի անվանման հետ<sup>47</sup>: Մոտավորապես նույն տեսակետին էր Ն. Ադունցը, ըստ որի Սոթք գավառն իր անվամբ պարտական է sōdi կամ «Ծաւղէացի» կոչվող ցեղին և համապատասխանում է Պտղոմեոսի հիշատակած Սոդուկեններին<sup>48</sup>: Ա.Տ. Երեմյանի կարծիքով, Սոդքը կամ Սաւդքը Արշակունիների թագավորության շրջանում կազմում էր առանձին վարչական միավորի «Ծաւղէացեոց իշխանութեան» կենտրոնը համանուն Սաւդք աւանով (այժմ՝ Ջոդ գյուղ), ըստ որում «Ծաւղէացեոց իշխանութեան» մեջ էր մտնում ամբողջ Արցախը<sup>49</sup>:

Ազահեճ գավառը զբաղեցնում էր Աղավնո կամ Հագարու գետի վերին հոսանքի շրջանը՝ համապատասխանելով նախկին Լաչինի և ներկայումս Լ.Ղ.Ղ վերահսկության տակ գտնվող Բաշաթաղի շրջաններին: Ինչպես վերը տեսանք՝ Սա. Օրբելյանը զարգացած միջնադարում Ազահեճքի տարած-

45 Դ. Ի ն ճ ի ճ յ ա ն. նշվ. աշխ., էջ 265–277:

46 Հ. Հ յ ու ը բ մ ա ն. նշվ. աշխ., էջ 403:

47 Նույն տեղում, էջ 226:

48 Н. А. А д о н ц, Армения в эпоху Юстиниана. СПб., 1908, с. 424.

49 Ս. Տ. Ե Ր Ե Մ Ե Յ ա ն. Հայաստանը ըստ «Աշխարհացոյց»-ի, էջ 80:

քում արձանագրում է երկու գավառ՝ Քաշաթաղ և Խոթոռաբերդ անուններով: Եթե Աղահեճ գավառանունը ծագումնաբանորեն կարող է կապվել լահիճ ցեղանվան հետ<sup>50</sup>, ապա նոր ձևավորված գավառների անունները, անտարակույս, ծագում էին համանուն բերդերից: Նման եզրակացություն կարելի է գալ սյունյաց պատմիչի բերած Սյունիքի բերդերի հիշատակությունից, որոնց մեջ հանդիպում են Խոթոռաբերդ և Քաշեթաղուց բերդերը<sup>51</sup>:

Գավառացանկի յոթերորդ գավառը, որ Ստ. Օրբելյանը կոչում է «զբուն դահ իշխանացն և հայրապետաց» և իբր իր անունն ստացել է Ծղուկ գավառապետի անունից, Ծղուկն է, որը համապատասխանում է Հայաստանի Հանրապետության նախկին Սիսիանի շրջանին և Գորիսի շրջանի արևմտյան մասին: Ամենայն հավանականությամբ, Ծղուկ ցեղը, որի գոյությունն առավել ևս անտարակուսելի է Սիսիանի շրջանում Վանի բեռնագիր արձանագրության հայտնաբերումից հետո, որում հիշատակվում է «Ծուլուկու» երկիրն իր Իրդուա և Ամուղա կենտրոններով<sup>52</sup>: Ն. Հարությունյանի կարծիքով տեղաբնիկներն իրենց երկրամասը վանյան տիրապետության շրջանում ևս, հավանաբար, կոչել են Ծղուկ, որը, սակայն, վանյան վանկագիր սեպագիրը կարող էր հաղորդել Տu-lu-qu = Ծուլուկու գրությունը<sup>53</sup>: Սյունիքի և Ծղուկ գավառի կենտրոնն էր Շազատ գյուղաքաղաքը համանուն բերդով: Շազատի թաղերից մեկը գտնվում էր «Յեզր ծովակի միոջ», այսինքն մի լճակի ափին, որը, սակայն, չի պահպանվել: Շաղատը երբեմն համարվել է ավան, իսկ եկեղեցին համարվում էր «...յայնմ ժամանակի մայր եկեղեցեաց» Սյունիքի: Ինչպես հաղորդում է Ստ. Օրբելյանը, սյունյաց իշխան Անդուկը խիստ նեղվելով պարսից զորքերից, կարգադրում է հավաքել կտակարանները, ոսկե և արծաթե սուրբ խաչերը, սրբերի և նահատակների նշխարները Շաղատի քարկոփ գմբեթավոր եկեղեցում թաքցնելով դրանք տարբեր դարաններում, որից հետո սր. Ստեփաննոսի եկեղեցին ծածկվում է հողով: Միայն քսանհինգ տարի հետո Բաբիկ Սյունին կարողանում է վերադառնալ Սյունիք, տիրանալ իր հայրենի ժառանգությանը և պատահականորեն հայտնաբերել եկեղեցին, որից մի ձայնը կեց հեռավորության վրա գտնվում է Անձնատու կոչվող խոռը<sup>54</sup>: Շաղատը, թերևս, ունեցել է նաև մենաստան: Ծղուկում են գտնվել Տաթևի վանքը, Որոտն գյուղը, բերդը և վանքը, Մեծ անապատը կամ Հարանց անապատը, Թանահատի վանքը և այլ կարևոր կենտրոններ:

Աղահեճքից հարավ և Ծղուկից դեպի արևելք, Աղավնո կամ Հագարու գետի միջին հոսանքի շրջանում գտնվում էր Հաբանդ գավառը, որն իր

50 Н. А д о н ц. Նշվ. աշխ., էջ 424: Հեղինակը հավանաբար կարծելու, որ գավառանունն առջացել է «լահիճ» ցեղի անունից, որի մի հատվածը բնակվում էր Դաղստանից հարավ ընկած շրջանում: Կիսելով Ն. Ադոնցի միտքը մենք գտնում ենք, որ իրենց անվանումները ստացել են հիշյալ ցեղանունից իրանի Լահիջան անունով երկու երկրամասերը:

51 Ստ. Օրբելյան, նշվ. աշխ., էջ 13:

52 Н. В. А р у т ю н я н. Корпус урартских клинообразных надписей, надпись № 411.

53 Н. В. А р у т ю н я н. Топонимика Урарту, с. 236. Տե՛ս նաև N. V. H a r g o u t h i o u n i a n. La nouvelle inscription ourartéenne découverte en Arménie Soviétique. Տե՛ս Gesellschaft und Kuitur im alten Vorderasien, Berlin, 1982, S. 83-85.

54 Ստ. Օրբելյան, էջ 34-47:

տարածքով մեծավ մասամբ համապատասխանում էր Հայաստանի Հանրապետության նախկին Գորիսի շրջանի արևելյան և դրանից դեպի արևելք ընկած տարածքներին, որոնք հասնում էին Արցախի լեռների ջրբաժան գիծը՝ Քիրս և Դիգավայտ լեռնագագաթների շրջանում: Թ. Հակոբյանի կարծիքով Հարանդի սահմանները արևելքից եզերվում էին Հագարի գետով<sup>55</sup>, սակայն մեր կարծիքով, գետը կարող էր սահման ծառայել Սյունիքի համար միայն ստորին հոսանքի շրջանում, իսկ Հաբանդի կողմերում, այնուամենայնիվ, առավել հավանական է սահմանն Արցախի լեռների ջրբաժան գծով անցկացնելը: Ամենայն հավանականությամբ այս գավառանունը ևս ցեղային ծագում ուներ և իր ղուգահեռն ուներ հունական ցեղերի շրջանում, որոնցից էվրեա կղզին բնակեցնողները հայտնի էին Հաբանդները ("Αβαυτοι) անունով": Ավանդական պատմության համաձայն, Չագիկ նահապետը Հաբանդ գավառում կառուցել է մի բերդ և այն անվանել է Հարանդի կամ Չագեծորի բերդ, իսկ բերդի ձորը նրա անունով կոչվել է Չագեծոր<sup>56</sup>: Ըստ մեզ՝ Չագիկ նահապետի անունը կարող է աղբյուր ունենալ Հայաստան ներխուժած Սակ կամ Շակ ցեղի անվանմանը, որն իր անունն էր ավելի Ուտիքի Շակաշեն գավառին: Հավանաբար ավելի ուշ Շակը կամ Սակը հնչյունափոխվելով վերածվում է Չագի, իսկ Չագեծորն էլ՝ Չանգեպուրի մոտոլրդի կողմից մեկնաբանվելով որպես «Չանգն իզուր»:

Հայտնի է, որ Հաբանդ անունով գավառ կար նաև Արցախում, որն, ի տարբերություն սյունյաց Հաբանդի, կոչվել է Մյուս Հաբանդ կամ Խարանդ: Միանգամայն տրամաբանական է ենթադրել, որ հիշյալ երկու գավառները սկզբում կազմել են մեկ միասնական վարչական տարածք և ծնունդ են առել Մեծ Հայքի աշխարհների ձևավորման շրջանում, երբ Սյունիքն Արցախից բաժանող սահմանագիծը հատել է Հաբանդը՝ վերջինիս արևմտյան հատվածը թողնելով Սյունիքին, իսկ արևելյանը՝ Արցախին<sup>58</sup>: Հարանդի կարևոր բնակավայրերից էին Հալիսը, որն ավելի ուշ կոչվել է Հոլիծոր, Շնհերը, որ այժմ անվանվում է Շինուհայր, Խոտ և Տեղ պյուղերը: Հատկապես մեծ գյուղ էր Շնհերը, որը Տաթևի վանքին վճարում էր ամենամեծ հարկը՝ 24 գահեկան կամ գրամ<sup>59</sup>:

Հարավային Սյունիքի կարևորագույն Բաղք գավառն իր հիմնական մասով համապատասխանել է Հայաստանի Հանրապետության նախկին Ղափանի շրջանի հյուսիսարևելյան հատվածին, ընդգրկել է նաև մինչև Աղավնո գետը և Երասխի ու Աղավնո գետի ջրկիցն ընկած տարածքները: Հայտնի է, որ լեռնային երկրների մակերևույթը որպես կանոն սյարտադրում է վարչական սահմանների անցակացումը բնական սահմաններով՝

55 Թ. Խ. Հ. Կ. Բ. Ե. Ն. Սյունիքի թագավորությունը, էջ 155:

56 Г е р о д о т. История, в девяти книгах, перевод и примечания Г. А. Страгановского. Л., 1972, I, 146.

57 Ս տ. Օ ր ր Ե Լ Ե Ն, էջ 13. «...Հանրազայ բերդ որ ի նոյն տոհմէ Սիսակայ ի Զաղայ նահապետէ շինեալ ի վերայ գետոյ միոյ՝ կոչէ յիւր անուն զձորն Չագեծոր և զբերդն Չագեծորոյ բերդ»:

58 Արցախի Հաբանդ կամ Մյուս Հաբանդ գավառն առաջին անգամ հիշատակում է Փափստոս Բուզանդը (անս Փաւստոսի Բուզանդացոյ Պատմութիւն Հայոց. Վենետիկ, 1832, դպր. Գ. դլ. 2.) «...ի սահմանս Հայոց ի Հաբանդ, ի գեղն՝ որ անուանեալ կոչի Ամարազ»: Տե՛ս նաև Մ. Խ ր Ե Ն ա ց ի. Գ. Դ, գլ. Գ:

59 Ս տ. Օ ր ր Ե Լ Ե Ն, էջ 517:

լեռնաշղթաների ջրբաժան գծերով և քիչ թե շատ նշանակալից գետերով: Այն հանգամանքը, որ ռուսական ցարիզմը Ջանգեղուրի գավառի հարավարևելյան սահմանն անցկացրել էր Հագարի գետով, իսկ հյուսիսարևելյանը՝ Արցախի լեռների ջրբաժանով<sup>60</sup>, անուղղակիորեն հավաստում է նման սահմանների հնարավորությունը և գերհավանականությունը հելլենիզմի գարաշրջանում ու վաղ միջնադարում: Բաղք տեղանունը նույնպես ունի ցեղային ծագում: Բաղերն իրենց հետքերն են թողել պատմական Հայաստանի մի շարք տեղանուններում: Միայն թե, եթե Ն. Ագոնցը սրանց ծագումը բխեցնում էր Բաղասճիք ցեղանունից՝ նրանց տեղաշարժը ցույց տալով հյուսիսից հարավ-արևմուտք, ապա Գր. Ղափանցյանի կարծիքով նրանք շարժվել էին արևմուտքից դեպի արևելք<sup>61</sup>: Չմտնելով այս իրարամերժ կարծիքների մեջ, որը դուրս է մեր ուսումնասիրությունների շրջանակներից, նշենք միայն, որ Սյունիքի հարցում, ելնելով Բաղասճիք ցեղի տեղադրությունից, Բաղասական կամ Դաշտ-ի-Բաղասական երկրամասի գոյությունից և նրանց Սյունիքից դեպի արևելք գտնվելու հանգամանքից, թերևս ճիշտ է Ն. Ագոնցը: Ինչպես կարելի է եզրակացնել Սա. Օրբելյանի վերը բերված հաղորդումից, զարգացած ավատատիրությունների շրջանում գավառի հյուսիսարևմտյան մասը հայտնի էր Աճեն, իսկ հարավ-արևմտյանը՝ Քաշունիք անունով: Նման տեղորոշումը պայմանավորված է նակորգանի գավառի ծայր հարավարևելյան շրջանում տեղադրությամբ: Եթե Աճենը շարունակում էր նաև Բաղք կոչվել, ապա Քաշունիքը հայտնի էր Մյուս Բաղք անունով: IX դ. սկսած Բաղքը դառնում է սյունյաց իշխանական տան ճյուղերից մեկի՝ Ձագիկյանների երկիրը:

Ստ. Օրբելյանը, որը «Բաղ» բաղադրիչ ունեցող տեղանունների ծագումը կապում է Սիսակի զարմից Բաղակի անվան հետ, վերջինիս կողմից հիմնադրված է համարում Բաղակու քարամրոցը, որը նա՝ ավելի անառիկացնելով, կոչում է Բաղաբերդ<sup>62</sup>: Ղ. Ինճիճյանը Բաղաբերդը տեղադրել է Բաղքում<sup>63</sup>, իսկ Թ. Հակոբյանը՝ Ձորքում<sup>64</sup>: Ըստ երևույթին, ճիշտ է Թ. Հակոբյանը, որը նման եզրակացություն է հանգել Տաթևի վանքին տրվող Պողի ցուցակի այն տվյալից, որ Ողջի գետի վերնագավառը անվանված է Բաղաբերդու գավառ<sup>65</sup>: Այսուհանդերձ այս գավառը նույնպես նշանավոր էր իր բազմաթիվ ամրոցներով ու բերդերով, վանքերով, որոնցից արժե հիշատակել Անդոկաբերդը, Բարկուշատի բերդը, Պահու, Կկվաքար և Բղենո բերդերը, Բակուրի, Կավարտի, Աչաղուի վանքերը, Երիցավանքը, Վարդանավանքը և այլն:

Սյունիքի Ձորք գավառը երկրամասի տարածքով ամենալիոքը գավառն էր, որը զբաղեցնում էր Ողջի գետի վերին հոսանքի և դրա վտակ Գեղիի

60 Տե՛ս ռուսական 5 և 10-վերստանոց քարտեզների համադաստասիան սլանչետները:

61 Н. А. Д о н ц. Նշվ. աշխ. էջ 423: Г. А. К а п а н ц я н. Նշվ. աշխ.: Տե՛ս Г. А. К а п а н ц я н. Историко-лингвистические работы, т. II, Ереван, 1975, с. 126—128.

62 Ստ. Օրբելյան, էջ 13:

63 Ղ. Ինճիճյան, նշվ. աշխ., էջ 282: Տե՛ս նաև Ղ. Ալիշան. Սիսական, քարտեզը:

64 Թ. Հակոբյան. Սյունիքի թագավորությունը, էջ 112-118:

65 Ժամանակագրություն Ստեփաննոսի Օրբելյանի, Երևան, 1942, հավելված, էջ 41: Ստ. Օրբելյան, էջ 12:

աւփայանները: Գաւառի սահմանները հյուսիսում, արեւմուտքում և հարաւում անցնում են շրջապատող լեռների ջրբաժան գծերով: Անորոշ է ինչ-որ չափով արեւելյան սահմանը, որը պետք է անցնէր Աչաղու գյուղի և Բաղաբերդի միջև ընկած տարածքով: Աչաղուն գտնվել է Բաղքում, իսկ Բաղաբերդը, ինչպես վերը տեսանք, Ձորքում, ուստի Թ. Հակոբյանը ուսումնասիրելով տեղանքը, եկել է այն համոզման, որ սահմանն անցել է Աչաղու գյուղից շուրջ 1–1,5 կմ արեւմուտք գտնվող և տեղացիների կողմից Սուբուն կապ կոչվող ուղղաձիգ ժայռով<sup>66</sup>, որից արեւմուտք գրեթէ նույնքան հաստատուած վրա, գտնվում են Բաղաբերդի ավերակները: Ձորը դարձնում ավատատիրութեան շրջանում առավելապես հայտնի էր Կասպան անունով<sup>67</sup>, որն աստիճանաբար տարածվում է նաև Բաղքի և նրան հարևան գաւառների վրա: Շատ հնարավոր է, որ Ձորքը որպէս ինքնուրույն գաւառ ձևավորվել է ավելի ուշ, իսկ դրա շարժառիթների մասին միայն կարելի է կռահումներ կատարել: Ձի բացառվում, որ այն սկզբնապես պարզապէս մտել է Բաղքի մեջ և միայն հետագայում սյունյաց իշխանների կողմից ասանձնացվել է որպէս ուստան գաւառ: Այսպէս թէ այնպէս այն, ըստ երեւելի, գոնե III դ. կրկնորդ կեսին գոյութեան ունէր և Պատմահայրը գաւառն արձանագրել է «Աշխարհացոյց»-ում՝ հենվելով III դ. աշխարհագրների տվյալների վրա: Ձորքի կարևոր բնակավայրերից էին Կասպանը, որ դարձնում միջնադարում վերածվեց քաղաքի, Բաղաբերդ անունով տնայր, Բաղաղու քար ամրոցը<sup>68</sup> և վանքը, Վահանաւանքը, Գեղին և այլն:

Սյունիքի ծայր հարավային գաւառներն էին Արեւիքը և Կոսականը կամ Կոսականը: Դրանցից առաջինն ամբողջութեամբ համապատասխանել է Հայաստանի Հանրապետութեան նախկին Մեղրիի շրջանին և, ինչպէս համատեղ է Սա. Օրբելյանը, դարձնում ավատատիրութեան շրջանում բաժանվելով, ծնունդ է տվել Դաշտոն և Մեղրի գաւառներին: Գաւառն աչքի էր ընկնում իր չոր մերձարևադարձային կլիմայով, երեք կողմերից եզերված էր Սյունյաց լեռներով և նրա արևելյան լեռնադաշտակներով, իսկ հարավում դուրս էր գալիս Երասխ գետի ավազ, որը միաժամանակ աշխարհի սահմանն էր: Ժամանակին՝ Դ. Ալիշանն այն կարծիքն էր հայտնել, որ Արեւիքը ավելի վաղ Գողթնի մաս է կազմել, իսկ հետագայում անջատվել է Գողթնից և միացվել Սյունիքին որպէս ինքնուրույն գաւառ<sup>69</sup>: Այս տեսակետը, որ հավանութեան է արժանացել Թ. Հակոբյանի կողմից<sup>70</sup>, մենք կիսուս ենք, սակայն ինչպէս ստորև ցույց կտրվի, դրա առաջացումը մի փոքր այլ բացատրութեան ունի: Գաւառանունը Թովմա Կիլիկեցու մոտ սրահանվել է բացահայտ աղավաղված Արեւիք գրութեամբ<sup>71</sup>: Գաւառի կարևոր բնակավայրերից, բերդերից ու վանքերից էին Մեղրին, Կարճավան սուլանը, Կաքավաբերդը կամ Կքեբերդը, Արկավանքը, Զվարի, Խոլա, Կար-

66 Թ. Հ ա կ ո բ յ ա ն. Սյունիքի թագավորութեանը, էջ 107:

67 Ս ա. Օ Ր Ք Ե Ղ Յ ա ն, էջ 12:

68 Չնայած Սա. Օրբելյանը Սյունիքի բերդերը թվարկելիս նույնացնում է Բաղաբերդն ու Բաղաղու քարը, այլ հիշատակութեաններում դրանք հանդես են գալիս իբրև տարբեր բերդեր, էջ 335:

69 Ղ. Ա Ղ Ի Շ ա ն. Սիսական, էջ 298:

70 Թ. Հ ա կ ո բ յ ա ն. Սյունիքի թագավորութեանը, էջ 101–102:

71 Ղ. Ի ն ճ Ի ճ յ ա ն. Նշվ. աշխ., էջ 295:

ճավանի, Մեղրու, Որդիչո, ԼՀԵ և Լուսկե վանքերը:

Վերջին Կովսական գավառը Հայտնի նաև Գուրհամ կամ Գրհամ անունով, տարածքային առումով համապատասխանում էր Հայաստանի Հանրապետության նախկին Ղափանի շրջանի հարավարևելյան հատվածին և զրանից մինչև Բաղք ընկած տարածքներին, որոնք վերահսկվում են ԼՂՀ կողմից: Ինչպես իրավացիորեն նշում է Թ. Հակոբյանը, Կովսականը Սյունիքի համեմատաբար անծանոթ գավառներից է: Ստ. Օրբելյանի աշխատության մեջ պահպանված Տաթևի վանքին հարկատու գյուղերի ցուցակի ուսումնասիրությանը, որը կատարել են Ղ. Ալիշանը, Ս. Երեմյանը, Թ. Հակոբյանը և ուրիշներ, մոտավորապես պարզվում է Կովսականին պատկանող տարածքը, որն ընդգրկել է Ծավ կամ Բասուտ կոչված գետի և Ողջի աջափնյա Բեխ, Վաչագան, Գեղանուշ և մի քանի այլ վտակների ավազանները՝ եզերվելով արևմուտքում Բասուտի արևմտյան ջրբաժանով, իսկ արևելքում՝ Ողջի (ստորին հոսանքում՝ Չավնգուր) գետով<sup>72</sup>: Կովսականի բնակավայրերի մեծագույն մասն այսօր Հնարավոր է տեղագրել այն պարզ պատճառով, որ գրա տարածքում ուշ միջնադարում հաստատված մահմեդական բնակչության ավերիչ գործունեության պատճառով մեծ մասամբ հիշատակներ չեն պահպանվել: Հայտնի է Բեխ գյուղի տեղը, Թ. Հակոբյանը, կարծում ենք, ճիշտ է տեղագրել Գրհամ ամրոցը, Շիկահողքը մինչև այսօր պահպանել է իր անունը, Բարգուլթաղը թերևս ներկայիս Բարթազն է, սակայն հարկատու 53 գյուղերի մեծ մասը մեր ձեռքի տակ եղած նյութերով անհնար է տեղորոշել: Հարկատու գյուղերի ցուցակից դատելով, Կովսականում եղել են մի շարք վանքեր՝ Փառվարտո վանքը, Գագավանքը, Պողոսի վանքը և Վարոսի վանքը: Ըստ երևույթին Հեթանոսական սրբատեղի է եղել Դից մայրի գյուղը: Ցուցակը ոչնչով չի օղնում պարզելու գավառի բերդերի անունները, որում տեղ չի գտել անգամ Գրհամը: Թերևս Գրհամին կարելի է ավելացնել նաև Գիլաբերդը<sup>73</sup>:

Աշխարհացույցյան Սյունիքը, ինչպես տեսանք, հանդես է դալիս 12 գավառով, որոնց մի մասը սկզբնապես գոյություն չի ունեցել և արդյունք է պատմական, մասնավորապես ավատատիրական հարաբերությունների զարգացման: Սրանց հանդես գալը և զարգացումը ամբողջությամբ կապվում են Սյունիք աշխարհի ձևավորման պատմության հետ, ուստի մենք, նախքան դրան անդրադառնալը, ստիպված ենք խորությամբ քննելու Սյունիք աշխարհի վարչական ձևավորման ու զարգացման պատմությունը: Պատմահայր Մովսես Խորենացին Սյունիք անունը կապում է ավանդական Սիսակի հետ, որը Հայկի սերնդից էր, Գեղամի որդին. «Աստ (Գեղաքունիքում – Հ.Բ.) ծնաւ (Գեղամը – Հ.Բ.) զորգի իւր զՍիսակ, զայր սէգ և անձնեայ, բարեգեղ, կորովաբան և գեղեցկաղեղն: Սմա զմեծ մասն ընչից իւրոց տուեալ և ծառայս անձինս բազումս՝ սահմանս հատանէ նմա ժառանգութեան ի ծովէն ընդ արևելս մինչև ցղաշտ մի, ուր գետն Երասխ

72 Ղ. Ալիշանը սահմանն անցկացնում է Բասուտ և Ողջի գետերի ջրբաժան լեռների կատարներով (Սիսական, էջ 286), սակայն ճիշտ է Թ. Հակոբյանը, որը հիմնավոր ձևով սահմանն անցկացնում է Ողջի գետով (Սյունիքի թագավորությունը, էջ 104-105):

73 Թ. Հ ա կ ո բ յ ա ն. Սյունիքի թագավորությունը, էջ 76.

Հատեալ զքարանձաւս լերանց՝ անցանէ ընդ խոխոմս ձիգս և նեղս, ահա-  
 գին դնդնչմամբ իջանէ ի դաշտն: Աստ բնակեալ Սիսակ լնու շինութեամբ  
 գոսհաման բնակութեան իւրոյ. և զաշխարհն կոչէ իւրով անուամբն Սիւ-  
 նիք. այլ Պարսք յըստակագոյնս ևս Սիսական կոչեն: Ի սորա ծննդոց աստ  
 ուրեմն Վաղարշակ, որ առաջին ի Պարթևաց արքայ Հայոց, գտեալ արս ա-  
 նուանիս տեարս աշխարհին կարգէ, որ է Սիսականդ ազգ. և զայս առնէ  
 Վաղարշակ ի պատմութենէն ստուգեալ<sup>74</sup>: Անշուշտ, խիստ համարձակ է  
 սույնատիպ հաղորդումների հիման վրա հեռուն գնացող եզրակացութ-  
 յունների հանգելը, սակայն մենք, այնուամենայնիվ, հակված ենք կարծե-  
 յու, որ այս հաղորդման մեջ պատմական արձագանքներ են պահպանվել  
 այն հեռավոր ժամանակների մասին, երբ Գեղամա (Սևանա) լճի ավազանը  
 վարչական առանձին շրջան է կազմել և չի մտել Սյունիքի մեջ: Եվ իրոք,  
 Սևանա լճի ավազանը կազմում է ուրույն բնաշխարհադրական շրջան, որը  
 լուրի գծարանցանելի Սուլեմա լեռնանցքով կապվում է Վայոց ձորի և  
 Սյունիքի մնացած գավառների հետ: Քաղաքական և տնտեսական կապերի  
 տեսակետից այն ավելի առնչվում է Այրարատին և բնավ պատահական չէ,  
 որ Սյունիքի նվաճումն ու տնտեսական յուրացումը Վանի թագավորների  
 կողմից կատարվեց Այրարատից Գեղամա լճի ավազան—Վայոց ձոր—Մղուկ  
 ուղղությամբ: Չնայած Սևանա լճի ավազանից հարավ ընկած Սյունիքը  
 Պատմահոր երկում հանդես է դալիս որպես մի ամբողջութուն, այնուամե-  
 նայնիվ, նույն հաղորդումից կարելի է եզրակացնել, որ հիշյալ ամբող-  
 ջությունն ավելի էթնիկ էր, գուցե և ցեղային, քան վարչական, որովհետև  
 ավանդական համարվող և որպես կանոն Տրդատ I-ի կամ Վաղարշ II-ի  
 հետ նույնացվող Վաղարշակ թագավորը, որը ոչ միայն նախորդ մի շարք  
 հետադիտողների, այլև մեր քննության արդյունքներով, իրական անձնա-  
 վորութուն է, Սյունիքի տարածքի վերակացությունը հանձնում է մի քա-  
 նի հոդու. «... գտեսալ արս անուանիս՝ տեարս աշխարհին կարգէ, որ է Սի-  
 սականդ ազգ»: Սյունիքի տարածքում մի քանի վարչական միավորների  
 գոյությունը, կարծում ենք, անմիջականորեն առնչվում է Պլինիոս Ավագի  
 այն տեղեկությանը, որ Մեծ Հայքը բաժանված է եղել 120 ստրատեգիանե-  
 րի կամ զորավարությունների, որոնք բարբարոսական անուններ ունեին<sup>75</sup>:  
 Առաջին եզրակացությունը, որ կարելի է կատարել մ.թ.ա. I դ. գոնե 40-ա-  
 կան թվականներին Սյունիքը որպես աշխարհ չէր ձևավորվել: Դատելով  
 «Աշխարհացոյց»-ի տվյալներից՝ առանց հաշվի առնելու նրանում հետա-  
 դիտում տեղ գտած փոփոխությունները, Մեծ Հայքն ունեցել է 183 գա-  
 վառ<sup>76</sup>, որին նթն գումարենք անդամ Ուտիք Առանձնակը<sup>77</sup>, որի գոյությու-  
 նը I դ բացառվում է և որի ձևավորման որոշակի ժամանակը մեզ հայտնի  
 չէ, կությունը չի փոխվում, որովհետև քանակն այդ դեպքում դառնում է  
 184: Ստացվում է, որ Պլինիոս Ավագի ժամանակների համեմատությամբ  
 դավառները տրոհվելով, ավելացել էին 64-ով: Հասկանալի է, որ գավառ-

74 Մ. Խ ո Ր Ե Ն ա Յ Ի. Գ. Ա, գլ. ԺԲ:

75 Plinii Secundi C. Naturalis historiae. Cambridge, Mass.—London, 1950-1962, VI, 10, 2.

76 ԱՄԽ, էջ 29-35: Անանիա Շիրակացու մատենագրությունը, էջ 350:

77 Անանիա Շիրակացու մատենագրությունը, էջ 350:

ների այդօրինակ աճի պայմաններում սկզբնապես Սյունիքի տարածքում գավառների քանակությունը պետք է 12-ից պակաս լիներ: Նախքան գավառների նախնական քանակությունը քննարկելը, որը հնարավոր է աշխարհի ձևավորման բոլոր խնդիրները ուսումնասիրելուց հետո, անդրադառնանք կրկին երկրամասի ձևավորման պատմությանը:

Պատասխան տանք այն հարցին, թե Ստրաբոնի հիշատակած Փավենե, Փավնիենե կամ Փավնիտիս (Փասդն, Փասդն, Փասսիտիս) երկրամասը, որը հայոց Արտաշես I (189-160 թթ. մ.թ.ա.) թագավորը գրավել էր մարերից<sup>78</sup>, այս կամ այն չափով առնչվում է Սյունիքին, թե՞ ոչ: Գերմանացի նշանավոր հայագետ Յ. Մարքվարտը փորձել է այն նույնացնել Ապահունիք գավառի հետ (հուն. Ἀπαχουή), սակայն չ. Հյուբշմանն իրավացիորեն ցույց է տվել, որ հայերենի բառակազմի «ապա»-ն չի համապատասխանում հունարեն φά-ին, և այն կարծիքն է հայտնել, որ Փասսիտիս-ը հարկ է սրբագրել Συστις կամ Σουστις և այս նոր անվան մեջ Սյունիք նահանգը տեսնել: Որոշ վերապահություններ այս տեսակետն ընդունել է նաև Հր. Աճառյանը, իսկ Թ. Հակոբյանը ելնելով նման իրողության հնարավորությունից, ենթադրել է, որ Ստրաբոնի ժամանակներում Սյունիք և Արցախ նահանգներն, ըստ երևույթին, կազմել են մի աշխարհ, որը կրել է Փավնիտիս անունը<sup>79</sup>: Սակայն, ի պատիվ Չ. Հյուբշմանի, պետք է ասել, որ նա նման սրբագրությունը հնարավոր է համարում այն դեպքում, եթե Սյունիքը Արտաշես I-ի նախնական երկրների շարքում չի եղել<sup>80</sup>: Ստրաբոնի հաղորդած տեղեկության համակողմանի քննությունը մեզ բերում է այն մտքին, որ հիշյալ երկրամասը ոչ մի առնչություն Սյունիքի հետ ունենալ չէր կարող, եթե չհաշվենք սահմանակցությունը Երասխ գետով: Ամասեցի աշխարհագրագետը Փավենեի հետ հիշատակում է նաև Կրկու մարզ՝ Օրքիստենեն ու Կոմիսենեն, իսկ հիշյալ երեք երկրամասերի տեղադրությունը լույս է սփռում հարցիս վրա: Ստրաբոնը Փավենեն անվերապահորեն համարում է Հայաստանի երկրամաս, իսկ Փավնիտիսը՝ մարերից գրավված երկիր<sup>81</sup>: Մարերից ղավթված երկրների թվում հիշատակվում են նաև Կասպիանեն և Բասորոպեդան, որոնցից մեկ հայտնի է միայն առաջինի տեղադրությունը: Կասպիանեն համապատասխանում է Մեծ Հայքի Փայտակարան աշխարհի տարածքին, որը հայկական աղբյուրներում հայտնի է Կասպք կամ Կազբք անունով<sup>82</sup>: Ստրաբոնը մարերից Արտաշեսի գրաված երկրները հիշատակում է Կասպիանե-Փավնիտիս-Բասորոպեդա հերթականությամբ, ուստի իմանալով, որ Կասպիանե-Կասպքը տեղագրվում է Կասպից ծովի ափին Փայտակարանի տարածքում, պետք է ենթադրել, որ մյուս երկուսը աշխարհագրական հերթականությամբ տարածվել են Կասպիանե-

78 Ս տ ր ա բ ո ն. քաղեց, թարգմանեց Չ. Աճառյան. Երևան, 1910, էջ 54-57:

79 J. M a r q u a r t. Éransahr nach der Geographie des Ps. Moses Xorenac'i. Berlin, 1901, s. 108. Չ. Հ յ ու բ շ մ ա ն. նշվ. աշխ., էջ 16-17: Ս տ ր ա բ ո ն. էջ 123: Թ. Հ ա կ ո թ յ ա ն. նշվ. աշխ., էջ 27:

80 Չ. Հ յ ու բ շ մ ա ն. նշվ. աշխ., էջ 27:

81 S t r a b o. XI, 14, 5. "... ἐκ Μηδίων μὲν τε Κασπιανὴν καὶ φαυτιν καὶ Βασροπεδαν, ..."

82 Փ ա վ ս ա ո ս. Բ ու գ ա ն դ. Դ պլ. Ծ. «աշխարհն Կազբից»: Մ. Խ ո - ր ե ն ա ց ի. Գ. Բ. Գլ. Ծ Գ. «Կասպից երկիր»:

Կասաբլից արևմուտք ընկած շրջանում, Մեծ Հայքի հարավարևելյան սահմանագլխին: Ավելին, հիշյալ երկրամասերի տեղադրությունը կարելի է որոշակիացնել՝ նյնևյով Մեծ Հայքի թագավորության պետական սահմանափակումը մինչև Արասաշևս 1-ի տարածքային ձեռքբերումները: Արծրունյաց պատմիչի մի շատ արժեքավոր տեղեկությունից, որը նա քաղել է մեզ անհայտ մի հին աղբյուրից, պարզվում է, որ Երվանդ Վերջին արքայի օրոք Մեծ Հայքի թագավորության սահմանը Պարսկահայքի շրջանում անցել է Անձախիձոր գավառի արևելակողմով<sup>83</sup>, այսինքն՝ Հեր և Ջարեանդ գավառները դեռևս հայոց պետության մեջ չէին մտնում: Եվ քանի որ Կասաբ-Փայակարանի հյուսիսային սահմանն անցնում էր Երասխ և մասամբ Կուր գետով, իսկ Նախճավանն էլ պատկանում էր Մեծ Հայքի թագավորությանը, ապա Հեր և Ջարեանդ-Կասաբ հատվածում հայոց պետության սահմանն անցել է Կոտոր (Կարմիր), իսկ այնուհետև՝ Երասխ գետերով: Եթե մեր մտայնումը ճիշտ է, իսկ աղբյուրադիտական նյութը վկայում է դրա օգտին, ապա ստրաբոնյան Փավնիտիան ու Բասորպեդան պետք է տարածական առումով համապատասխանեն Մարդպետականին (Արևելյան Վասպուրական) և Պարսկահայքին<sup>84</sup>: Մի կողմ թողնելով Փավնիտիա րայատություն խնդիրը, որ մենք մասամբ քննության ենք առել մեկ այլ ուսումնասիրության մեջ<sup>85</sup>, նշենք, որ Ստրաբոնի մոտ Փավնեն-Փավնեն-Փավնիտիայի հանդես է գալիս երկրամասերի մեկ այլ շարքի մեջ, որը նույնպես աշխարհագրական հերթականություն ունի: Հույն աշխարհագրագետը Փավնենի և Օրքիստենի միջև հիշատակում է Կոմիսենեն (Κομισσηνη), որն աշխարհագրական տեսակետից սլարդապետ նույնանում է Սյունիքին, քանի որ այն գտնվում է Փավնիտիա-Մարդպետականի և Օրքիստենեն-Արցախի միջև: Մենք լիովին գիտակցում ենք, որ շատ ուսումնասիրողների համար ոչ միայն անսպասելի, այլև անընդունելի տեղադրություն ենք առաջադրում, սակայն դա մեր կամային ցանկությունը չէ, այլ բխում է Ստրաբոնի հրկի տրամաբանությունից, թվարկման հերթականությունից և աշխարհագրական դասավորությունից, որովհետև ինչպես Սրաբսենենի դաշտին հաջորդում են Շակաչենն ու Գուդարքը կազմելով Մեծ Հայքի թագավորության հյուսիսարևելյան սահմանային երկրամասերի տնրնդհատ շարք, այնպես էլ Փավնենեն, Կոմիսենեն և Օրքիստենեն ներկայացնում են մեկ այլ շարք, որը ձգվում է հարավ-արևմուտքից հյուսիս-արևելք ուղղությամբ: Ստրաբոնը հիշատակում է Կոմիսենեն անունով երկու երկրամաս, որոնցից մեկը, ինչպես նշեցինք, Սյունիքն է, իսկ մյուսը գտնվել է Պարսկաստանում<sup>86</sup> և համապատասխանել է «Աշխարհացոյց»-ում հիշված Կոչմ կամ Կոճ աշխարհին, որը մտնում է Երանշահրի Խորասանի կամ Արևելյան քուստակի մեջ<sup>87</sup>: Մենք հակված ենք կարծելու,

83 Թ ո Վ մ ա Ա ր ծ ր ու լ ե ն ի և Ա ն ա ն ու լ ն, Պատմութիւն տանն Արծրունեաց. Երևան, 1985, էջ 84:

84 Տե՛ս մանրամասն Բ. Հ ա ր ու լ թ յ ու լ ն յ ա ն. Մեծ Հայքի Պարսկահայք աշխարհն ըստ «Աշխարհացոյց»-ի.՝ ՊԲՀ, 1989, N 2, էջ 26-28: Ն ու լ ն ի Արցախի, Հայոց Արևելից կողմերի և Չարարողի տարածքի հարցի շուրջ.՝ «Պատմա-բանասիրական հանդես», 1994, N 1, էջ 259-265:

85 Բ. Հ ա ր ու լ թ յ ու լ ն յ ա ն. Արցախի, Հայոց Արևելից կողմերի..., էջ 261-263:

86 S t r a b o, XI, 9, 1:

87 ԱՄՆ, էջ 40:

որ պարսկական Կոմշ-Կոմիսենների գրությունն ազդել է հայկական Կոմիսենների ուղղագրության վրա, ուստի գտնում ենք, որ վերջինս մեզ է հասել ոչ անաղարտ վիճակում: Ամենից առաջ ենթադրելի է, որ կարող էին չփոթվել հունարեն *Κ* և *Σ* տառերը, իսկ պարսկական Կոմիսենների ազդեցությամբ *μ*-ի կարող էր վերածվել *ν*-ն, հետևաբար հայկական Կոմիսենների նախնական տեսքը պետք է լիներ *Σωλισην*: Եվ քանի որ հունական *ω*-ն արտահայտում է հայերենի «ով» կապակցությունը, ապա Ստրաբոնի Կոմիսենեն ոչ այլ ինչ է, եթե ոչ Սովիսենեն կամ Սունիսենեն, որը փաստորեն անունով ևս անմիջականորեն կապվում է Սյունիքի հետ: Սեպագրագետ Հ. Կարագյոյանի կարծիքով, չի բացառվում, որ *Κ*-ի և *Σ*-ի ոչ մի չփոթ էլ տեղի չի ունեցել: Կոմիսենների *Κ*-ն, ըստ նրա, կարող է և նախնական լինել և միայն ավելի ուշ՝ հնդեվրոպական լեզուներին հատուկ հնչյունափոխական օրինաչափություններով, վերածվել է *Σ*-ի: Այլ խոսքով, Սյունիքի անվանումը սկզբնապես հնչել է Կյունիք (Կիւնիք): Այսպես թե այնպես, երկու հնարավոր տարբերակների դեպքում էլ լեզվական քննությունը, մեր խորին համոզմամբ, գալիս է ամրապնդելու այն տեսակետը, որ Կոմիսենեն տարածքային առումով համապատասխանել է Սյունիքին: Միաժամանակ տրամաբանական է կարծել, որ չնայած Մեծ Հայքի ըստ աշխարհների վարչական բաժանման բացակայությանը, Սյունիքն իր հարավային մասով որպես ընաշխարհադրական միավոր գործնականում ձևավորված էր:

Մ. թ. II դ. Մեծ Հայքի թագավորությունում համաձայն Կլավդիոս Պտղոմեոսի նկարագրության, ձևավորվել էին վարչական մեծ միավորները՝ նահանգ-աշխարհները: Դրանք, դատելով ըստ ամենայնի, կարող էին ստեղծվել Տրդատ I – Արտաշես թագավորի իշխանության տարիներին (52–76): Որքան էլ զարմանալի լինի, պտղոմեոսյան նկարագրության Մեծ Հայքի աշխարհների շարքում բացակայում է Սյունիքի անունը, իրողություն, որ առնվազն տարակուսելի է: Պտղոմեոսը Մեծ Հայքում՝ Կուր և Երասխ դետերի միջև հիշատակում է հետևյալ երկրամասերը. «... Կյուրոս (իմա՝ Կուր-Հ.Բ.) դետի մոտ՝ Օբարենե և Օտենե, Արաքս դետի մոտ՝ Կուլթենե և նրանից ներքև՝ Սոդուկենե, Պարյուսագրես լեռան մոտ՝ Սիբակենե և Սակասենե»<sup>88</sup>: Օբարենեն, որն ունի նաև Տոսարենե ընթերցումը, ինչպես ցույց են տվել ուսումնասիրողները, Մեծ Հայքի Գուգարք աշխարհն է, Օտենեն՝ Ուտիքը, Սոդուկենեն՝ Ծավդեքը, որ այդ ժամանակ առանձին աշխարհ պետք է լիներ, Սակասենեն, որ սրբագրելի է Սակասենե, Ծակսոնը (=Գարդման): Գայթակղիչ է Կուլթենե անվան մեջ Գուլթնի հիշատակությունը տեսնելը, իսկ Սիբակենեն համարյա թե բոլոր ուսումնասիրողները սրբագրում են Սիբակենե և նույնացնում Շիրտկին<sup>89</sup>: Թերևս զարմանալ կարելի է, որ այնպիսի նշանավոր գիտնականներ, ինչպիսիք են Հ. Հյուբշմանը, Ն. Ադոնցը և ուրիշներ, կատարել են նման սրբագրություն և տեղադրություն, քանի որ դա պարզապես անհնարին է: Մեր կարծիքով, Սի-

88 Claudii Ptolemaei Geographia, Voluminis Primi, Pars secunda, էջ 938. "... παρα δὲ τὸν Κύρον ποταμὸν ἢ τε Ὀδαρήνη καὶ ἡ Ὠτήνη, παρα δὲ τὸν Ἀράξην ποταμὸν ἢ τε Κολθηνη καὶ ἡ ὑπ' αὐτῆν Σοδοουκηνη, παρα δὲ τὸν Παρσασθρον το ὄρος ἢ τε Ζιβακτηνη καὶ ἡ Σακαπηνη".

89 Հ. Հյուբշման. Նշվ. աշխ., էջ 250: Н. А. Адонц. Նշվ. աշխ., էջ 300 և այլք:

բակենեն ոչ մի կերպ չի կարող նույնանալ Շիրակին և համարժեք է Սյունիքին: Թվարկման աշխարհագրական հերթականությունը, որով հիշվում են նշված երկրամասերը, խոսում է մեր եզրակացությունն օգտին: Սողոկենն, որն անտարակույս Ծավղեքն է, չէր կարող Գողթնից ներքև գտնվել, ուստի մնում է ենթադրել, որ Օտենեից հետո հիշատակված Կոլթենեն, որը նախորդում է Սողոկենին, կարող է և նույնանում է Կասպքին, որից ներքև՝ աշխարհի այն ժամանակվա պատկերացմամբ, կարող էր գտնվել Սողոկեն-Ծավղեք: Թե ինչպես է Կասպքը աղավաղվել և վերածվել Կոլթենի, մենք բացատրել դժվարանում ենք, որովհետև այդ հնագրական հատուկ պատրաստություն է սլահանջում, սակայն հիշյալ երկրամասի տեղադրությունը Կասպք-Փայտակարանի շրջանում չի կարող առարկություններ հարուցել: Աշխարհագրական առումով բացառվում է Շիրակի և Շակաչենի սահմանակցությունը, ուստի Սիբակենի համար, որը սահմանակցի է Սակապեն-Շակաչենին, պետք է գտնել այլ բացատրություն: Բայց չէ՞ որ Նիβαդի-ն կարելի է սրբագրել ոչ միայն Նիբադի, այլև Նիսադի, որը դրչագրական առումով նույնիսկ ավելի հավանական է, քանի որ հեշտությամբ կարող են շփոթվել  $\sigma$  և  $\delta$  տառերը: Իսկ Սիսակենն կարող է և նույնանում է Սյունիք աշխարհի Սիսական զուգահեռ անվանը: Ինչպես տեսնում ենք, Սյունիքը որպես աշխարհ տեղ է գտել Պտղոմեոսի նկարագրության մեջ, իսկ նրա Սիսակեն-Սիսական անվանումը, դժվար չէ տեսնել, պայմանավորված էր Մեծ Հայքում հաստատված և դեռևս յիսուսի չհայացած Պարթև Արշակունի դահակալների վարչատարածքային գործունեությամբ: Պատահական չէ, որ Պատմահայրը Սիսական անվանումը համարում է պարսկական ձև:

Սիսակեն-Սյունիքը կարող էր սահմանակցել Շակաչենին Քաշաթագ լեռներով (այժմ՝ Սևանի լեռնաշղթա), հետևաբար գոնե 11 դ. կեսերին Գեղարունիքը վարչականորեն մտնում էր Սյունիք աշխարհի մեջ: Թե ե՞րբ էր կատարվել այդ միացումը, մեզ հայտնի չէ: Պարզ չեն նաև շարժառիթները, սակայն տոկա է աշխարհացոյցյան Սյունիք աշխարհի ձևավորման փաստը: Ըստ երևույթին, Գեղարունիքի վարչական միացումը մնացյալ Սյունիքին կատարվել է Մեծ Հայքի ըստ աշխարհների վարչական բաժանման ժամանակ Տրդատ I-ի կողմից, ուստի միանգամայն ճիշտ է Ս. Երեմյանը, որի կարծիքով Ծավղեացվոց, Շակաչեն-Գարդմանացվոց և Ուտեացվոց իշխանություն-կողմնակալությունները ստեղծվել են Տրդատ I-ի կողմից<sup>90</sup>: Մնում է լուրջ շարքին ավելացնել նաև Սյունիք-Սիսականը:

Աշխարհացոյցյան նկարագրությունը հետաքրքիր տեղեկություններ է սլահպանել Սյունիքի սահմանների մասին: Ուշադրություն է գրավում այն հանգամանքը, որ Սյունիքի նկարագրության առաջին մասը հակասության մեջ է երկրորդի հետ: Այսպես, «Թ. Աշխարհ Սիսակեն. ընդ մէջ կալով Երասխայ և Արձախայ, յելից Այրարատոյ» հատվածից պարզորոշ երևում է, որ հարավում և հարավ-արևմուտքում աշխարհի սահման հանդիսացել է Երասխ գետը, արևելքում՝ Արցախը, իսկ արևմուտքում և մասամբ հյուսիսում՝ Այրարատը: Սակայն, երբ քարտեզագրում ենք Սյունի-

90 Հայ ժողովրդի պատմություն. հ. Ա, Երևան, 1971, էջ 836:

քի և հարևան Վասպուրականի գավառները, պարզվում է, որ Երասխով անցնում է Սյունիքի ընդհանուր սահմանների մի չնչին մասը, որը չպետք է բնորոշի լինելը նկարագրություն համար: Տվյալ վիճակն արձանագրելու համար «Աշխարհացոյց»-ի հեղինակը կարող էր պարզապես գրել. «Թ. Աշխարհ Սիւնիք. ընդ մէջ կալով Վասպուրականի եւ Արձախայ, յեւրից Այրարատոյ»: Այս կարող է ունենալ միայն մի բացատրություն: Սյունիքի նկարագրության առաջին մասը վերաբերում է մի այնպիսի ժամանակաշրջանին, երբ Սյունիք աշխարհի սահմանն անցնում էր հարավում և հարավարևմուտքում Երասխ գետով, իսկ երկրորդ մասն արտացոլում է «Աշխարհացոյց»-ի ստեղծման ժամանակի պատկերը: Մովսես Խորենացին, օգտագործելով արևիվային նյութերը, մասնավորապես աշխարհագրային փաստաթղթերը, առանց փոփոխության վերցրել է նրանց տեղեկությունները Սյունիքի աշխարհագրական դիրքի վերաբերյալ՝ առանց փորձելու համաձայնեցնել նկարագրության առաջին մասը երկրորդին: Ժամանակագրական առումով Սյունիքի նման աշխարհագրական դիրքը և սահմանները կարող էին վերաբերել հետպտղոմեոսյան շրջանին՝ մինչև IV դ., երբ ավատատիրական հարաբերությունների զարգացման հետևանքով Մեծ Հայքի ըստ աշխարհների վարչական բաժանումը փլուզվեց՝ տեղի տալով ավատատիրական վարչական բաժանման նոր սկզբունքներին: Ուստի առավել հավանական է ենթադրել, որ հեղինակի օգտագործած աշխարհագրային նյութերը վերաբերում են III դ., երբ քաղաքական անկայուն դրության և երկիրը պարսկական թեկուզև կարճատև ռազմակալման ու կառավարման, ինչպես նաև Տրդատ III-ի հայոց գահին վերահաստատվելու հետևանքով հաճախակի անցկացվում էին Մեծ Հայքի թագավորության հանգամանալից աշխարհագրեր: Որ իրոք Սյունիքի հարավային և հարավարևմտյան սահմանն ամբողջությամբ անցել է Երասխ գետով, վկայում են մի շարք այլ տեղեկություններ ևս: Համաձայն Պատմահոր մի արժեքավոր վկայության՝ Մարդպետական իշխանությունը տարածվել է Ատրպատականի սահմաններից մինչև Ծուաշ և Նախճավան<sup>91</sup>, որից պարզվում է, որ հին շրջանում Նախճավանը չի մտել Մարդպետականի և դրանով իսկ Վասպուրականի մեջ: Պատմահայրը և նրան հետևող Ստ. Օրբելյանը սյունյաց ծագում են վերագրում Գողթնի իշխաններին<sup>92</sup>, որն, ինչ խոսք, նույնպես խոսում է վերջինիս հին ժամանակներում Սյունիքին պատկանելու մասին: Ոչ պակաս կարևոր է սյունյաց պատմիչի այն տեղեկությունը, որում նա՝ չհիշատակելով Նախճավան գավառը, Նախճավանը համարում է Սյունիքի մայրաքաղաք<sup>93</sup>: Ինչպես վերը տեսանք, Ստ. Օրբելյանը Երնջակը և Գողթնը համարում է մեկ դավառ, իսկ մեկ այլ կասկածությունը նա Գողթնը և Օրդվատ գյուղը համարում է Սիսական աշխարհի մաս. «Ի

91 Մ. Խորենացի. Բ., Գլ. է:

92 Նույն անդում, դիրք Բ., Գլ. Ը: Ստ. Օրբելյան, էջ 23-24. «... և իշխանք Գողթան ոչ եթէ յայլմէ տոհմէ էին, այլ ի նոյն Սիսական ցեղէ, ըստ մասին ի ժառանգութիւն առևայ էին դայս դաւառ, որպէս ցուցանէ քեզ Մովսէս Խորենացի»:

93 Մտ. Օրբելյան, էջ 14: ենթադրել, թե այն արտացոլում է դարդացած միջնադարի քաղաքական կացություն, երբ Նախճավան քաղաքը կարճ ժամանակով միացվեց Սյունիքին, քիչ հավանական է: Մենք հակված ենք կարծելու, որ այս տեղեկությունը ևս վերաբերում է շատ հին ժամանակներին, երբ Նախճավան քաղաքը հանդիսանում էր Սյունիքի կենտրոնը:

դատնայն Բարդուղիմեոսի ի Պարսից անցեալ ընդ Ատրպատական գայ իւրովք աշտկերտօքն. և անցեալ ընդ գետն Երասխ մտանէ ի սահմանս Սիսականու, և սկիզբն արարեալ քարոզութեան յՈրդվատ գետոյ և յԱրևիս գաւառ և ի տունն Բաղաց և ի Գողթն»<sup>94</sup>: Հաշվի առնելով այն հանգամանքը, որ տեղեկութիւններ վերաբերում է Բարդուղիմեոս առաքյալի գործունեութեանը (թեկուզ և ավանդական), մենք կարծում ենք, որ այն պարունակում է վարչական հին իրողութիւններ, երբ Գողթնը իրոք մտնում էր Սյունիքի մեջ: Վերջապես տնտեսական կապերի և բնաշխարհագրական ամբողջականութեան տեսակետից վարչական սահմանի անցկացումը Երասխ գետով ավելի պատճառարանաված էր, քան դրա տանելը Սյունյաց լեռների արևմտյան լանջերով, որի հետեանքով Սյունիքն իրենից ներկայացնում էր իրար հետ թույլ կապված չորս ամփոփ ընաշխարհագրական շրջանների համաբաժնու: Դրանք էին՝ Գեղամա լճի ավազանը, Վայոց ձորը, Ճահուկ-Երնջակի շրջանը և Աղավնո ու Որոտան գետերի ավազանը: Սակայն Սյունիքի մեջ Նախճավանի և Գողթնի գտնվելու գեպքում, դրանք, դո՛ւն կրանցից երկքը, սերտորեն իրար էին կապվում Նախճավանում խաչածիւղ ճանապարհների շնորհիւ: Այն հեռավոր ժամանակներում, երբ Սյունիքի հարավային և հարավարևմտյան սահմանն անցնում էր Երասխ գետով, ամենայն հավանականութեամբ, եթե չասենք անվերապահորեն, գոյութիւն չեն ունեցել Ճահուկ և Երնջակ գավառները, որոնք համապատասխանարար մտել են Նախճավան և Գողթն գավառների մեջ կազմելով ընաշխարհագրական ամբողջական տարածքներ: Նման եզրակացութեան կարելի է դալ վերը բերված տվյալներից: Այդ ժամանակներում Գողթնի մեջ պետք է մտնէր, ինչպէս վերն ասվել է, նաև Արևիքը:

Սյունիքի աշխարհացոյցյան սահմանների ձևավորումը տեղի ունեցաւ, ամենայն հավանականութեամբ, արդեն III դարում: Մեզ անհայտ պատճառներով արքունիքը Նախճավան և Գողթն գավառների արքունական տիրույթներն անջատեց Սյունիքից և կցեց Մարդապետականին: Հնարավոր րացատրութիւնը թերևս այն է, որ արքունիքը նպատակահարմար գտաւ արքունի տիրույթները միացնել արքունիքի սեփականութիւն հանդիսացող Մարդապետականին, որի արդյունքում սյունյաց իշխանի ժառանգական տիրույթները սահմանադատվեցին արքունի հողերից<sup>95</sup>, իսկ Երասխի ավազանով անցնող մայրուղին հայտնվեց արքունիքի անմիջական վերահսկողութեան ներքո:

Մեծ Հայքի պտղոմեոսյան նկարագրութեան համաձայն՝ Սոթք գավառը պետք է գտնվէր Սողուկենե-Մալղեքում, որի կենտրոնը, դատելով ամեն ինչից, պետք է հանդիսանար Սոթք ավանը: «Աշխարհացոյց»-ի նկարագրութեան մեջ Սոթքն արդեն Սյունիքի գավառներից է: Բնական է ենթադրել, որ այդ անցումը կատարվել է Մալղեից իշխանութեան վերացումից հետո: «Զորանամակ»-ում հիշատակված ոչ մեծ ռազմական կարողութիւնն ունեցող իշխանների թվում հանդիպում է «Սողացի» անունը<sup>96</sup>: Սակայն

94 Նույն տեղում, էջ 21:

95 Բ. Հ ա ղ ո յ թ յ ու ն յ ա ն. Մեծ Հայքի Վասպուրական աշխարհը ըստ «Աշխարհացոյց»-ի. – Բնաբեր Երևանի համալսարանի», 1983, N 3, էջ 125-126:

96 «Զորանամակ», ատես. Н. А. О. И. Ա. Նշվ. աշխ. էջ 251:

այդ նույն փաստաթղթում հանդիպում է նաև Ծավդեից իշխանության անունը, որը և կասկածելի է դարձնում առաջինի գոյությունը նույն փաստաթղթում: «Զորանամակ»-ի հպանցիկ քննությունն անգամ բացահայտում է, որ «Սողացի» անունն ավելացված է հետագայում: Այսպես, անդրադառնալով իշխանական ռազմական ուժի մեծությունը, «Զորանամակ»-ը նշում է. «... եւ զոմանս ի յայլ աշխարհս գրաւեալս. եւ լինի թիւ մարտիկ արանց որ ընդ ազգաւք ՁԳ-ից հազարաց թող զսպասաւորս դրանն արքունի որ է ոստանդ որք ի պատերազմ ելանէին ընդ ա[ր]քայի եւ մարդապետական որ է ներքինի պահապան ի վերայ թագուհւոյն եւ գանձուցն եւ ընդ ամենայնն թիւ զօրացն հայոց որ է հարիւր եւ քսան հազարաց»<sup>97</sup>: Ստացվում է, որ իշխանական զորագնդերի մարտիկների թիվը 84000 էր, սակայն, երբ մենք գումարում ենք դրանց մարտիկների թիվը առանձին-առանձին վերցրած, ընդհանուր գումարը կազմում է 84100, որը վկայում է, անկասկած, հետագա ընդմիջարկման մասին: Գրեթե առանց սխալվելու կարելի է պնդել, որ մուծված անուններից մեկը «Սողացի»-ն է: Ծավդեից իշխանությունը գոյություն ունեւր Տրդատ III-ի գահակալության շրջանում<sup>98</sup>. սակայն այլևս չի հիշատակվում Խոսրով II Կոտակի և Տիրանի թագավորության տարիներին: Արշակ II-ի դեմ ապստամբած երկրամասերի թվում Ծավդեի փոխարեն հանդիպում է «ամուր դաւառն Արձախայ» երկրամասը<sup>99</sup>, որը կրկին միացվում է Մեծ Հայքի թագավորությանը Պասարքայի իշխանության օրոք<sup>100</sup>: Հավանական է ենթադրել, որ Ծավդեից իշխանությունը վերացվեց Խոսրով Կոտակի գահակալման շրջանում, կրթարքունիքը բացահայտ պայքար էր սկսել խոշոր ավատատիրական իշխանությունների դեմ, մասնավորապես այն իշխանությունների, որոնք կարևոր ռազմաստրատեգիական դիրքեր էին զբաղեցնում: Հետևաբար, տեսականորեն, «Սոթքի» կամ «Սողացի» իշխանությունը կարող էր հանդես գալ միայն IV դ. 30-ական թվականներից հետո:

Ունենալով վերը կատարված քննության արդյունքները, մենք այժմ կարող ենք արդեն անդրադառնալ այն հարցին, թե որքա՞ն էր Սյունիքի տարածքում գավառների քանակությունը Պլինիոս Ավագի ժամանակներում: Ինչպես վերը նշել ենք, այդ շրջանում, հավանաբար, դեռևս գոյություն ունեին Ձորքը և Արևիքը, որոնք համապատասխանաբար պետք է մաս կազմեին Բաղքի և Գողթնի: Եթե Ձորքի առաջացումը կարելի է բացատրել սյունյաց իշխանների կողմից ոստան դալաւ ձևավորելու խնդրով, ապա Արևիքի հանգես դալը կարելի է մեկնաբանել արքունական տիրույթների Սյունիքից անջատելով: Գողթնի մաս կազմող Արևիքը՝ Գողթնի արքունի տիրույթները Մարդպետականին միացնելուց հետո, մաս կազմելով սյունյաց իշխանի ժառանգական տիրույթների, վերածվեց առանձին գավառի: Այդ նույն ձևով Գողթնի սյունյաց իշխանին պատկանող մյուս

97 Նույն տեղում, էջ 252: Հարկ է նշել, որ Ն. Ադոնցի հրատարակած «Զորանամակ»-ի բնագրում սխալմամբ Բաղրատունիների ռազմական կարողությունը ցույց է արված 1000 պինդոր 1500-ի փոխարեն (տե՛ս Ղ. Ա լ ի շ ա ն. Այրարատ. Վենետիկ, 1890, էջ 424):

98 Ագաթանգեղայ Պատմութիւն Հայոց, աշխատութեամբ Գ. Տէր-Մկրտչեան եւ Սո. Կանայեանց. Տփղիս, 1909, էջ 414:

99 Փաւստոսի Բուզանդացոյ Պատմութիւն Հայոց. Վենետիկ, 1832, դպր. Գ, դ. Մ:

100 Նույն տեղում, դպր. Ե, դ. ԺԲ:

տիրույթները ձևավորվեցին որպես Երնջակ գավառ, իսկ Նախճավան գավառի մեջ մտնող տիրույթները, որոնք զբաղեցնում էին Սյունյաց լեռների նախալեռնային և լեռնային շրջանները, կազմեցին Ճահուկ գավառը: Ուշադրություն է դրվում այն փաստը, որ նոր ձևավորվող գավառները սովորաբար իրենց անունն ստանում էին կենտրոն հանդիսացող բնակավայրերից կամ էլ տեղանքի ու կլիմայական առանձնահատկություններից: Տեղանքը և մակերևույթն էին տվել իրենց անունը Ձորքին, իսկ տաք ու արևոտ կլիման՝ Արևիքին: Նախճավանից հյուսիս գտնվող Վայոց ձոր գավառը տարածվում էր մինչև Երասխ գետը ներառնելով Շարուրի դաշտը: Պատմագիտության մեջ տարածում գտած այն կարծիքը, թե Շարուրը եղել է առանձին գավառ և մտել Այրարատի մեջ<sup>101</sup>, սյարդապես քննաթյուն չի բռնում: «Աշխարհացոյց»-ում Շարուրի դաշտի գավառ լինելու մասին խոսք չկա: Այնտեղ ասված է, որ «Ուրծածոր եւ Արածոյ կողմն, ընդ միջ կալով Վայոց ձորոյ և Շարուր դաշտի, ընդ որ հոսի գետն Արտօնին առ Մարենայ քաղաքով, անցանելով ի հարաւ խառնի յերասխ»<sup>102</sup>, այսինքն՝ Այրարատի Արածո կողմն գավառը գտնվել է Վայոց Ձորի և Շարուրի դաշտի միջև, որից չի բխում, թե վերջինս Այրարատի գավառներից է: Ըստ էության նույնն է ասված նաև «Աշխարհացոյց»-ի համառոտ խմբագրության մեջ, ըստ որի Ոստան Դվնա գավառը տարածվել է «...մինչև ցղաշտն Շարուր»<sup>103</sup>, այսինքն՝ Շարուրի դաշտը դուրս է մնացել Այրարատի Ոստան Դվնա գավառից: Պարզելով, որ Շարուրը գավառ չի եղել և Այրարատի մաս չի կազմել, միանգամայն հասկանալի է դառնում, որ Շարուրը կարող էր մաս կազմել միայն Վայոց ձոր գավառի, որի սահմանները կարծես թե պատճենել էին ցարական իշխանությունները՝ ստեղծելով Շարուր-Գարայաղյազի գավառը<sup>104</sup>: «Աշխարհացոյց»-ի ստեղծման ժամանակներում Շարուրն արդեն Վայոց ձորի մաս չէր կազմում, ուստի մնում է ենթադրել, որ այն արքունական տիրույթների մաս կազմելով, սյարդապես միացվել է Նախճավան գավառին: Սկզբնապես գոյություն ունեցող գավառների շարքից սկսեք է հանել Սոթքը, որի տարածքը սկսեք է մտնել սկզբում Ծավդեից աշխարհի մեջ, իսկ այնուհետև միացվելու Գեղարքունիքին և միայն ավելի ուշ վերածվել ինքնուրույն գավառի կոչվելով կենտրոն բնակավայրի անունով: Եվ վերջապես Կոլոսականը, որն իր անունը ստացավ Կոլոսական բնակավայրից, մինչ այդ սկսեք է մաս կազմել Բաղք գավառի: Ի մի բերելով վերը կատարված վերլուծության արդյունքները, որոնք, անշուշտ, չի կարելի վերջնական համարել նյութի սղուծյան պահանջով, այնուամենայնիվ, մեզ իրավունք են տալիս ասելու, որ սկզբնապես գոյություն են ունեցել Գողթն, Նախճավան, Վայոց ձոր, Գեղարքունիք, Ծղուկ, Աղահեճ, Հաբանդ և Բաղք գավառները, այսինքն՝ թվով Ց-ը: Եթե մի սլահ վերանանք Նախճավանից, որի անվան բացատ-

101 Ղ. Ի ն ճ յ ա ն. նշվ. աշխ., էջ 462: Հեղինակը հստակ կարծիք չունի Շարուրի վարչական կացության մասին: Նա միայն նշում է, որ թուվա կրկիկեցին և թուվա Արծրունին Շարուրը համարում են գավառ (Հ. Հ յ ու բ շ մ ա ն. նշվ. աշխ., էջ 253: Ս. Ե - ր Ե մ յ ա ն. Հայաստանը ըստ «Աշխարհացոյց»-ի, էջ 73):

102 ԱՄՆ, էջ 34:

103 К. П. П а т к а н о в. նշվ. աշխ., էջ 20:

104 Տե՛ս ուսական 10-վերսաանոց քարանգի համապատասխան սլանչետը:

ըրությունը մինչև օրս էլ վեճեր է ծնում, ապա կարելի է ասել, որ մնացած զավառանունները ծագում են ցեղերի կամ ցեղային երկրների անուններից, որը հավաստում է նրանց հին շրջանում վարչական ձևավորման մասին:

Սյունիքը՝ աշխարհացույցյան սահմաններով, հանդիսացել է սյունյաց իշխանների ժառանգական տիրույթը և Մեծ Հայքի Արշակունյաց թագավորության անկումից հետո կարևոր ու առանձնահատուկ դիրք էր վաղեցնում Հայկական կամ Արմն մարզպանությունում կազմելով վերջինիս երեք կարևոր վարչական միավորներից մեկը<sup>105</sup>: «Զորանամակ»-ում սյունյաց իշխանի ռազմական ուժը ներկայացված է 19400 մարտիկներով<sup>106</sup>, սակայն քննությունը ցույց է տալիս, որ այդ թվի մեջ ներառված են Հայկական մարզպանության Տանուտիրական գնդի 15 հազար մարտիկները, իսկ սեփական ուժերը կազմել են 4400 մարտիկներ՝ փոքր-ինչ զիջելով Դուրաբաց բզեխության ռազմական ուժերին: 571 թ. Սյունիքը վարչականորեն մտցվեց Ատրպատականի աշխարհագրի մեջ: Այդ մասին Սեբեոսը գրում է. «... ի բաց եկաց ի Հայոց անուանեալ Վահան իշխան աշխարհին Սիւնեաց, և խնդրեաց ի Խոսրովայ յարքայէն Պարսից. զի տարցեն զգիւհան աշխարհին Սիւնեաց ի Դըւնայ ի Փայտակտրան քաղաք, և կարդեսցէ զքաղաքն ի շահրմար Ատրպատականի»<sup>107</sup>: Սակայն դատելով հայկական V-VII դդ. սկզբնաղբյուրների և Զաքարիա Հռետորի հաղորդած տեղեկություններից (554 թ), Սյունիքը դեռ մինչև 571 թ. լայն ինքնավարություն էր ձեռք բերել Հայկական մարզպանության շրջանակներում<sup>108</sup>: Զաքարիա Հռետորը Սյունիքը հիշատակում է Sisagān անունով որպես Artan-ին և Gurzān-ին համազոր երկիր<sup>109</sup>: Սեբեոսի վկայությամբ Սասանյան պետության կործանումից հետո Սյունիքը կրկին վարչականորեն միանում է Հայքին. «... իշխանացն աշխարհին Սիւնեաց հանդերձ աշխարհաւն իւրեանց. որք լծեալ էին յառաջագոյն յաշխարհագիրն Ատրպատականի, մինչև բարձաւ թագաւորութիւնն պարսից և տիրեաց իսմայելացին, նոքա անդրէն նուաճեալ միաբանեցան ընդ Հայոց»<sup>110</sup>: Սյունիքն իր աարածքը աշխարհացույցյան սահմաններով որպես քիչ թե շատ կայուն ամբողջական միավոր, պահպանեց մինչև IX դ. սկզբները<sup>111</sup>, որից հետո այն աստիճանաբար բաժանվում է սյունյաց իշխանական ընտանիքի տարբեր ճյուղերի միջև: Սյունիքի հետագա ճակատագիրը, որն ըստ էության չի առնչվում նրա՝ որպես աշխարհի (նահանգի) գոյության հետ, դուրս է սույն ուսումնասիրության շրջանակներից, ուստի և դրան չենք անդրադառնում<sup>112</sup>:

105 Ի. Հ ա ղ ու լ թ յ ու ն յ ա ն. Մեծ Հայքի Վասպուրական աշխարհը ըստ «Աշխարհացույց»-ի, էջ 131-133:

106 «Զորանամակ», տե՛ս Н. А Д о н ц. Նշվ. աշխ. էջ 251:

107 Պատմութիւն Սեբեոսի, աշխատասիրությամբ Գ. Վ. Արգարյանի, Երևան, 1979, էջ 67-68:

108 Բ. Հ ա ղ ու լ թ յ ու ն յ ա ն. Նշվ. աշխ., էջ 131-134:

109 Н. П и г у л е в с к а я. Сирийские источники по истории народов СССР. М. - Л., 1941, с. 165. Տե՛ս նաև Ասորական աղբյուրներ. Ա, թարգմանություն բնագրից. առաջաբան և ծանոթագրություններ Հ. Գ. Մեղիսյանի, Երևան, 1976, էջ 314: Н. А Д о н ц. Նշվ. աշխ. էջ 423:

110 Ս ե բ ո ս, էջ 175:

111 Ս ա Օ Ր Բ Ե Լ յ ա ն, էջ 158:

112 Կարևորություն է ներկայացնում Փոքր Սյունիքի խնդիրը, սակայն քանի որ այն

ОБЛАСТЬ СЮНИК ВЕЛИКОЙ АРМЕНИИ ПО  
«АШХАР(Һ)АЦУЙЦУ» («Армянской географии»)  
(Историко-географические наблюдения)

БАБКЕН АРУТЮНЯН

Р е з ю м е

Первоначально собственно Сюник охватывал территорию между рекой Ерасх(Аракс) и областью Арцах без бассейна озера Севан и представлял собой этно-племенную общность. Судя по данным греческого географа Страбона, на заре нашего летосчисления, она называлась *Кюник* и под эллинизированной и искаженной формой *Комисене* (должно было быть *Кюнисене*) нашла отражение в его «Географии». Сюник как область или ашхар(Һ) Великой Армении окончательно сформировался при армянском царе Тиридате I и был описан знаменитым греческим географом Клавдием Птолемеем под названием *Сисакелле* (=Сисакан, персидская форма наименования области), сохранившимся в искаженном чтении *Сибакелле*. Во второй половине III или в самом начале IV вв. равнинную часть левобережья реки Ерасх(Аракс) с административным центром городом Нахчаваном, явившуюся царским владением Аршакидов, царский двор отделил от наследственных земель сюникского княжеского рода и присоединил к области Мардпетакан. В результате перекройки административных границ и утраты экономически связывающей все уезды области равнинной части левобережья Ерасх(Аракс), Сюник в значительной степени потерял административную жизнеспособность. Первоначально область состояла из 8 гаваров или уездов, которые соответствовали упомянутым Плинием Старшим префектурам или стратегиям Великой Армении: Голти, Нахчаван, Вайоц дзор, Гелакуник, Цдук, Алахеч, Хабацд и Балк. После отделения царских владений от области в оставшихся под владычеством сюникского князя частях гаваров Нахчаван и Голти были образованы гавары Чахук, Ериджак и Аревик. В итоге феодализации возникли также гавары Дзорк и Ковсакап на территории Балка, а вслед за упразднением Цавдейского княжества к Сюнику была присоединена восточная часть бассейна озера Севан в качестве самостоятельного гавара под названием Согк. Сюник пользовался особым статусом в составе Армянского марзпанства и сохранил свою территорию в указанных «Ашхар(Һ)ацуйцем» границах до начала IX в. При дальнейшей феодализации края процесс раздробления гаваров продолжался.

THE REGION OF SIUNIK' OF GREATER ARMENIA ACCORDING TO THE  
"ASHKHARHATSOYTS" ("Armenian Geography")  
(Historical -geographical observations)

BABKEN HARUTYUNYAN

S u m m a r y

Originally the Region of Siunik' Proper included the territory between the River Araxes and the Region of Artsakh except the basin of the Lake Sevan and presented itself an ethno-tribal community. Judging by the data of the Greek geographer Strabo, at the daybreak of our era the Region assumed the name of *Kiunik'*, reflected under the hellenized and distorted form of *Komisene* (it had to be *Kiunisene*). Siunik' as a region or ashkharh of Greater Armenia was finally formed under the Armenian king Tiridates I and was described by the famous Greek geographer Claudius Ptolemy under the name of *Sisakene* (= *Sisakan*, the Persian form of the name of Siunik), preserved in the distorted reading of *Sibakene*. In the second half of the 3rd century or at the very beginning of the 4th century the plainspart of Siunik' situated on the left bank of the Araxes with the administrative center of the city of Nakhchavan or Nakhidjevan, being the domain of the Armenian Arshakids was separated from Siunik' and joined the royal ownership of Mardpetakan (=East Vaspurakan). In the result of the administrative boundary cutting out again Siunik' lost its administrative viability. Originally the region consisted of eight gavars or districts, corresponding to the strategies or prefectures of Greater Armenia, mentioned by Plinius the Elder: *Goltn, Nakhchavan, Vayots dzor, Gelakunik', Tzluk, Alahech, Haband and Balk'*. After the separation of the royal ownerships from the rest of the districts of Nakhchavan and Goltn were created the districts of Chahuk, Erndjak and Arevik'. In the result of feudalization the districts of Dzork and Kovsakan were also formed on the territory of Balk' and after the abolishment of the principality of Tsavdek' the eastern part of the basin of Lake Sevan joined Siunik' as an independent district under the name of Sothk' or Sotk'. Siunik, enjoyed special rights in the Marzpanae of Armenia and kept its territory in the boundaries mentioned by "Ashkharhatsoyts" until the beginning of the 9th century. During the further feudalization of the region the process of breaking up of districts continued.